

KUMBACHISA CHA

MWANA MUKOKO



Ngwasakwilila, Ndumbu walunga Edmonds. Mwata akukisule.

Chingoloshi chamwaza, masepa. Echi punduvene chinapu lusesa cheka ufukuuno kupwa hano mu Fellowship Tabernacle. Omu Ngwahitanga, ou musana, kaha kutala kuze wapwile, kaha Ngwamwene lize lizu “Kulikata,” chize chasungamine na yami kupwa chakwoloka. Ngwazanga chize, Ndumbu walunga Edmonds. Kulikata, chize chikiko etu twafwelela.

² Sepa lyami wamwaka, uze ayile kwimbo nakupwa na Mwata, enu vavavulu munahase kutachikiza ikiye, Ndotolo. F. F. Bosworth, enu vavavulu. Ikiye apwilenga hano mu Phoenix, Ngwafwelela, na yami lwola lumwe, mwono waunene. Kaha ikiye apwile na...apwile na—na...Ikiye apwile kashinakaji wakujila, oloze apwile muthu wakusehaseha. Kaha ikiye ahanjikile kuli yami, lwola lumwe, ikiye ngwenyi. . . Ngwatwalileho kuhanjika ha kulikata. Kaha ikiye ngwenyi, “Ndumbu walunga Branham, ove unatachikiza kulikata chumamuka?”

Ngwambile ngwami, “Chamwaza, Ngwashingtonyeka ngocho, Ndumbu walunga Bosworth.”

³ Ikiye ambile ngwenyi, “Chinapu vavali kukavangiza mbombolo yimwe.” Shikaho, kaha chize chinapu chakwoloka, kuzachisa kapete umwe na mukwavo.

⁴ Kaha Ngwamwene enu vavavulu kuhaka mavoko enu, kutachikiza Ndumbu walunga Bosworth. Hakupwa chize—chize ove unamutachikiza, Nanguhasa kuhanjika eli lize ha lwola lwamakumishilo hano ha mavu. Ngwamutachikijile ikiye halwola lumwe. Kaha ikiye apwile hano nakunangula Mujimbu wamwaza na kulombelela vakakuviza, shimbu kanda Ngusemuke. Shikaho enu munahase kumona chisemunuino ikiye apwilenga. Mwata echa ikiye ayoye, Ngwashingtonyeka, ha myaka eyite faifi, chumachimwe nge ngachize, kaha hanga chindume chalunga omwo afwile.

⁵ Omu ikiye apwile sevete faifi, Ngwafwelela mukiko chapwile, ikiye na Yami vapwile ha...Ngwafwelela, nge Edgemont Hotel mu Miami. Kaha etu twapwilenga na kulya chetu—chetu chachingoloshi, kaha kutambuka kungenge yakalwiji kuze makanya apwile nakwiza nakwingila, kutala kakweji kusoloka. Kaha hano Ngwapwile, pamo na myaka fwote yakusemuka, mahye ami akufutula, kutambuka nge ngachize.

Kaha ikiye, ha sevete faifi, kupwa kaha nge omu ahashile kupwa. Kaha Ngwatalile hali ikiye, kaha Ngwamukumbwile ikiye. Kaha Ngwambile ngwami, “Ndumbu walunga Bosworth, Ngwakutonda kukuhula ove chihula.”

Ikiye ngwenyi, “Yako lika kulutwe, Ndumbu walunga Branham.”

Kaha Ngwambile ngwami, “Lwola muka ove wapwile wamwaza?”

⁶ Ikiye ambile ngwenyi, “Hano vene.” Chamwaza, kahajino, Ngwevwile sonyi hali yami amilyavene. Kaha ikiye ngwenyi, “Ove una vulyama nge Yami ngukanyike kaha, kuyoyela muzuvo yamwaka,” ikiye ngwenyi. Kaha uze apwile Ndumbu walunga Bosworth.

⁷ Omwo Ngwevwile nge ikiye mwaya nakuliwana na Mwata, Ngwahetele hakwocha matayela kufuma kumotoka, kuya nakushikumuka ku Miami, nakumumona ikiye. Kaha omwo pwevo lyami na Yami ngwahetele kuze... Kaha chisaka cha Bosworth na chisaka chami vapwilena masepa vavanene. Kaha etu twengililemo. Uze kakakuluka wakashinakaji kupwa chilombola chindende. Kaha ikiye akulishile, umwe wenyi wamundende wamutwe wa lyaja, wamundende, mavoko akuhokama kungukwata, nge *ngachize*. Masoji alinakuhita kumakili ami. Ngwamukwachile ikiye mumavoko ami, kaha Ngwatambakanyine, “Tata yami, tata yami, matemba a Isalele na tuvalu nawa!” Mwomwo, kachi kwapwilenga muthu wamwaka uze ahakile kalemesa mukutambuka cha Vakapendekosita, apwilenga Ndumbu walunga Bosworth. Ikiye punduvene apwilenga. Ikiye apwilenga temo yayinene.

⁸ Kaha ove unatachikiza, nge chuma chatete ikiye atondele kulinga, shina kungulweka chindende kusehesa, nge *ngachize*, munatachikiza.

Kaha Ngwambile ngwami, “Ndumbu walunga Bosworth, ove nauya nakupwa kanawa?”

⁹ Ikiye ambile ngwenyi, “Nduma, Ndumbu walunga Branham. Kangweshi nakuvizako, kukuputuka.” Ikiye ambile ngwenyi, “Nguli kaha nakuya Kwimbo.”

Ngwambile ngwami, “Chamwaza, echi chili chamwaza.”

¹⁰ Etu tele tuneza nakufuma mumilimo yaumishonali mumande amu Africa, ikiye na Yami. Ikiye ambile ngwenyi, “Yami ngunakolo chikuma kupwa wakuyoya nakutwalilaho.” Ikiye ambile ngwenyi, “Yami nanguya Kwimbo.”

Ngwambile ngwami, “Ndumbu wa lunga Bosworth, chuma muka ove mungukafwa yami kulinga?”

¹¹ Kaha ikiye ambile ngwenyi, “Twama na Mujimbu wamwaza.” Kaha ikiye ambile ngwenyi, “Yako kinduluka

ka umishonali nge omu nauhashila.” Ambile ngwenyi, “Echi chikiko kukafwa chami.”

¹² Kaha Ngwambile ngwami, “Ndumbu walunga Bosworth, chuma chimwe chikwavo Ngunatondo kukuhula ove.”

Ikiye ambile ngwenyi, “Chuma muka ocho, Ndumbu walunga Branham?”

¹³ Ngwambile ngwami, “Jino, ove unahakemo mummyaka sikisite ya Mwata, mukutangisa, mokomoko pamo kuhambakana.” Kaha Ngwambile ngwami, “Lwola muka ove wapwilenga wakuwahilila mu kuyoya chove?”

Ikiye ambile ngwenyi, “Luno vene.”

Kaha Ngwambile ngwami, “Ndumbu walunga Bosworth, ove unejiva nge uli nakufwa?”

¹⁴ Ikiye ambile ngwenyi, “Kangweshi kuhasa kufwako. Ngwafwile myaka yayivulu kunyima okwo.” Kaha Ngwa... Ikiye ambile ngwenyi, “Ndumbu walunga Branham, vosena vase Ngwazangilenga na kuzakamina ha myaka sikisite, Nguli nakutala hali Ikiye kusokolola kusokolola kuchikolo hakala lwola na mweza, nakungumbata.”

Ngwashingtonyeka hali chize, *The Psalm Of Life*:

Viyoyelo vya malunga vangolo veji
kutwanukisanga
Etu tunahase kulingisa viyoyelo vyetu
kushikumuka,
Na vyuma, vanatusela kunyima yetu
Mangano ha usekulula wa lwola.

Kaha ikiye punduvene aselenga mangano, kuli yami.

¹⁵ Shimbu kanda ikiye afwenga, mokomoko,-...ayenga nakwingila mu Upahu, pamo ola yimwe, mokomoko pamo kuhambakana, shimbu kanda ikiye ayenga, ikiye napunga nge nasavala ha jiola jajindende, kaha pwevo lyenyi, vana venyi, vamwe vakuzanga vanema, kaha uze lunga wamwaka ahindikile, kutalatala, kukatuka, kaha kulaha nakuhita hamavu, na kulimeneka mumavoko na naye uze aya mummyaka yayivulu, na ise. Kaha ha ola, ikiye alimenekele mumavoko na vathu, kuhanjika, “Ou ikiye Ndumbu walunga Yowano. Eyo, ove twaya kuli Kulishitu mukukunguluka chami mu Joliet, Illinois. Hano jino Ndumbu walunga...” Kulimeneka mumavoko na venyi alumwine vase vafwile lyehi, ha myaka yayivulu.

¹⁶ Ngwa—Nangumilweka, lwola lumwe Ngwafwelela nge mu ola etu natuhita kufuma hano hamavu nakuya kweka, Ngwafwelela lwola lumwe omwo...Uze kalwiji ali nakuya nakupwa na kuzauka, mwosena omwo, munatachikiza. Ngwafwelela pamo Mwata mwahanjika kuli vamwe vakuzanga jetu, “Yako kuze kukalwiji na kuliwana navakiko kuze.”

Mwomwo nge Yakova ambile ngwenyi, etu natuya nakupwa vakukunguluka hamwe na vathu jetu likumbi limwe.

¹⁷ Nguli kaha nakutala hali lize likumbi kwiza. Kaha jino omwo Nanguhita na echi chiyoyelo hano, mokomoko Kalunga kupwa kuhichila muli yami hano, kaha Ngwamwene nge Ngunambate uze mulonga Ngunahashila, kuya nakuhita kala museto, kaha kunyina pili, Ngwatondo kutala kunyima, talenu kuze Ngunapunga, omwo Ngwejile nakushikumuka kukalwiji.

¹⁸ Ngunapunga lwolalwosena kuhanjika, nge masepa vamilatu hano, vakiko vapwilenga na mwaso waundende vakiko vembilenga, “Kangwazangile ukalu wa kalwijiko.” Ngwatondo kwolola echi jino.

¹⁹ Kupwa pamo kukindulwisa poku yamukwale cheka muchindalo, kaha kufumisa litepa, kaha kulihaka hamavu hausekeseke, na kuzundula mavoko ami, na kutambakana, “Kuneha mumbote, Tata. Nguli nakwiza kwimbo chimene chino.” Ikiye mwaya nakupwa kuze. Kanda kulizakamina. Ngwafwelela ngachize. Ngwashingtonyeka nge kufwila cha michima yetu yosena.

²⁰ Jino, echi chili vene chakwoloka lisesa lya kupwa hano ufukuuno na pashita wakuzanga na liuka lyenyi, kaha ou mulimo wamwaza, kaha ava vali nakulinunga muli Kulishitu, mu makumishilo a Phoenix. Mwomwo, mwamuchano, etu tuli vakakuzuzumana. Etu twapwa vakakuzuzumana kaha vangeji hano. Etu tuli nakutonda Mbongi.

²¹ Nge omu Ngwapwanga nakuhanjika chimene chino kuli mbalaka ya Ndumbu walunga Fuller, ha Mbuto ya Wangana. Jino, kachi enu mukwechi jitepu jakukopa, Kangwavulukileko. Oloze kwapwile chuma chimwe chasolokele chimene chino, nge Ngwa. . . Kachi enu mukwechi tepu yakukopa, kachi enu mukwechi yimwe ha jitepu, Ngunapu wakukunyuka nge ove muya nakusakwilila echi. Ndumbu walunga Maguire ayikwechi, kaha *Ize Mbuto Ya Mwangana Ya Apalahama*.

²² Talenu, mbuto ya Apalahama yapwilenga Isaka, uze napu ka Yuleya, chisemwa. Oloze Mbuto ya Wangana yapwilenga Kulishitu, kuhichila mulushiko, kaha uze Kulishitu apwilenga Lizu lya Kalunga kusoloka. Kaha echi chili mumuchima wove lelo nge omu tuli. . . “Kachi Nguli. . . Enu twamenu muli Yami, kaha Lizu Lyami muli enu, kahajino lomba kala chuma ove unatondo, kaha nachiya nakulingika.”

²³ Jino, Ngwasololanga ngachize, mu Phoenix, lwola lwaluvulu Ngunapunga hano. . . Lwola lwami lwatete kwiza lwapwilenga myaka seti faifi kunyima okwo. Kaha kukanduka ha 16 na Henshaw, Ngwayoyele, kuzata ku Circle R Ranch kuno, nakuweluk wa Wickenburg. Kaha Ngwayile na kanyike wapwevo wamundende kuze ku 16 na Henshaw. Ngwayile nakutala chihela likumbi likwavo, kaha kachapwile numba

Henshaw chekako. Yapwile Buckeye jino. Kaha yinapu mbongi yayinene muze vene mungalila ya metropolitan mu Phoenix hano. Vyuma vimwe kupwa vyakwalumuka.

²⁴ Kaha pwevo lyami na Yami twayile ku Pili ya Kukuto, kutala kunyima kuze ku Phoenix. Ngwashinganyekele, pamo seli handulendi ya myaka okwo, kuze pamo kakwapwile chumako hano oloze myumbwe, mingongamingonga, na vyangocho. Kaha jino chinapu mbongi yayinene. Jino, Ngwambile ngwami, “Uchi wami, vanalumuka mokomoko kuchongonona? Ove unahase kusakula chove. Kuli yami, vana chongonona jino. Mwomwo, eji jizuvo jajinene na kulizakamina nachiya nakupwa kanawa kachi malunga na mapwevo vapwilenga nakutambuka helu nahamavu, namavoko avo kuli Kalunga, kumwalisa Kalunga, kaha vandumbu vamaunga na mapwevo kuyoya nge; keshi kunwa, kusekasana chawiji, kunwa makanya, kwiva, kupwa mukunwa, vyuma vimwe vize vyavipi. Mukachi ka vyosena vize, kuhita . . .”

Kahajino pwevo ahanjikile kuli yami, “Kahajino, Billy, chuma muka ove uli hano?”

²⁵ Ngwambile ngwami, “Oloze, uchi wami, kufuma haze etu tunatwame hano, minyutu fifiteni, vangahi makuli vanambulula kuhita muchana? Kulishinga chingahi, ha Lijina lya Mwata mwamokomoko? Vangahi veji kunwnga makanya, vanagahi veji kunwanga wala, vangahi veji kulinganga ujila vaulinga lyehi, kaha vosena kuhichila muze, mukatando kakandende, shimbu etu tuli hano?”

Ikiye ambile ngwenyi, “Echi kacheshi chuma chachipiko?”

²⁶ Oloze Ikiye ambile ngwenyi, “Hano hakiko etu tuli hano mwomwoika, uchi. Vangahi vakushishika kumalombo vayile kufuma haze etu tunapunga hano? ‘Enu muli Kumunyika cha kaye.’ Omu mukiko etu tuli hano, kuhaka mahye etu na awa mauka amandende hano, kulinga vyuma vyosena etu tunahase, kukafwa echi kutambuka nakuya. Kupwa . . .”

²⁷ Enu vosena, enu vakakujila, chinapu kukisula kuli yami. Ngunatalilila nge Nanguya nakupwa kukisula kuli enu, mukutambukila hano. Kaha Ngwa, omwo Ngwawanyine nge Nangutambukila vikungulwilo vyakuhandunuka na vikungulwilo, kaha—kaha mauka akuhandunuka, na vyangocho, vaze vandumbwami kuhichila mu Phoenix chinema hano, muchima wami wajimbanganyine. Vaze vali nakwiza shimbu akanda kuliwana chize Nguli nakuhanjika, kukuliwana cha va Christian Business Men, Ngwashinganyeka, Sateli kukulya cha chimene, kaha jino kuliwana cha Chalumingo na musana, kumukavangiza, nge Chalumingo nachizaho. Kaha echi chili lwola lwoyosena lisesa lya kuliwana na vaze vandumbwami. Ngwashinganyeka vakiko vali na twende faifi handulendi

vitwamo kuze. Kupwa na kapete kakulisala kakutwamamo etu vosena. Kaha etu tunatalilila kuliwana nenu kuze.

²⁸ Kaha jino kupwa na lwola lwa kulikata, kufuma muliuka nakuya muliuka, na kuhanjika. Ngwashinganyeka Ngwatangishile echi na chimene palanga Ngwatangishile kaha amilyavene kupwa wakujojoma, pamo haola na chimbwa. Kaha chize chapwile chachihi. Kakavulu tele kangwalovokako shimbu seli mokomoko fwo, ha—ha liuka kwimbo. Nguli kaha... Kangweshi mukakunangulako. Shikaho Nguli—Nguli kaha nakuneha vyema kuli Mwata. Ngwazanga kulinga echi chikuma. Ngwa—Ngwashinganyeka Ngwazanga kaha echi, shikaho Ngweji kutwalilaho kulinga ngachize. Ngunapunga...kupwa na fwo mokomoko faifi kulisolola nge Nguli nakukwachilila vathu kukotokela, shikaho Ngunatachikiza nge ou unapu muchano. Kaha ufukuuno, wakushishika, etu natuya nakupwa hano shimbu kanda wani koloko. Nguli, Nanguya kaha nakukunyuka ove hali chize. Nguli kaha, hakamwihi... Kwivwa kana shipilitu yamwaza, kaha vyuma vyosena kupwa wakuzanga, Ngunakunyuka hali Shipilitu Wajila mwaya nakupwa na kukisula hali etu.

²⁹ Jino, jino Kangwapwilenga nakala kutangisa cha kukako mukuliwana. Ngwa...Ufuku umwe, kuze kuli ndumbu walunga...Lijina lya Yesu, apwile pashita? Ndumbu walunga Outlaw. Ndumbu walunga muliuka lya Outlaw, kuze kwapwilenga vatondele vavavulu kupwa vakulembelele. Kaha Ngwapwile na mwana walunga kuhana makati akulombela. Kaha jino maufuku amwe, Shipilitu Wajila aholokele muno muzuvo, palanga...Enu vosena munatachikiza. Enu munapunga mukuliwana chami. Enu vosena mukwechi. Enu mwamono omu kutumbununa, na vyangocho. Oloze jino Ngunatalisa vili nakulumbama ha kulomba chachivulu. Kaha Ngwamwene chize chatete, ha kuputuka Chitatu na Chiwana. Ngwashinganyeka Nanguya nakuvandamina palanga hanyima ya Chalumingo, mwomwo kachi ove uli na kutanga cha kuka muliuka...

³⁰ Enu mwamono, Ngwa—Ngwavilikanga kwosena Ngwayilenga muthu wosena kutwama hamulimo wove ha Chalumingo, mwamono. Chize kuliwana chakulimanyina chili kaha nakutambuka na vandumbwetu. Kaha etu—etu twatondo kalamuthu kulama chihela cha mulimo, mwomwo kafunga kove ali nakuvandamina hali ove, kaha muze mukiko enu mwatela kupwa.

³¹ Shikaho jino—kahajino Ngwashinganyeka, hamene naufuku, kachi nge Mwata netava, Kangweshi...Kuli etu twatela kupwa hamene naufuku? [Ndumbu walunga kuahnjika, “Kuze mu Tempe, hali liuka Ndumbu walunga O’Donnell.”—Muka.] Ndumbu walunga O’Donnella, ha Tempe, Arizona. Jino, kachi ove kaweshi na—na chuma chimwe chakulimanyina kuya

kuliuka lyove, kaha ove ukwechi vathu vakuviza, mwomwoika, Nguli nakuya nakulombelela vakakuviza, hamene ufuku, kupwa kaha na mukana wakulombelela, kulombela vakakuviza, pamo—pamo Chimwe, Chivali. Echa tutalenu, Ngwatelanga... Yami...Mamalelo, Nguli...Kutala Ngukwechi liuka lya Chitatu naufuku nawa? [“Eyo.”] Chitatu naufuku. Kahajino echi... .

³² Kaha lyeji kuputuka ha Chiwana, echi chakwoloka, kukunguluka? [Ndumbu walunga umwe ngwenyi, “Ngukwechi vyuma...?...”—Muka.] Chosena chakwoloka, ndumbu walunga. Ikiye mwaya nakuvilika jino. [“Talenu, etu tuli hano ufuku uno. Kaha hamene naufuku etu tuli ku Tempe Assembly of God. Kaha jino kuze ku Mountain View mu Sunnyslope ha likumbi lya mu twende seli. Kaha jino mu Central Assembly ha twende—fwo.”] Chosena chakwoloka, chize chili kanawa. [“Kangwahashile kwanuka, yami lyaveneko. Nguli kaha na muchimbalanganyi na echi.”] Kanda kushinganyeka chizeko.

Ngwapwile nakuhanjika likumbi likwavo, hali, “Kangwahashile kwanukako.”

³³ Kaha Ndumbu walunga Jack Moore ahanjikile kuli yami, ngwenyi, “Ove washinganyeka nge uli wamupi?” ikiye ngwenyi.

³⁴ Ngwambile ngwami, “Ndumbu walunga Jack, Nanguya nakuhanjika, Kangweshi kuhasa kwanuka chuma muka Ngwapwanga nakuhanjikaho.”

³⁵ Ikiye ambile ngwenyi, “Kanda kushinganyeka nge chili chachipi.” Ambile ngwenyi, “Ngwasanyika ha shinga, kusanyika muthu umwe, ngwenyi, ‘Chuma muka ove unatondo?’” Chamwaza, echi chili nakupwa chachipi!...?...Mamalelo!

³⁶ Shikaho, Yami, echi chinahase kwivwakana kusehesa, chize Kangwazanga kupwa nge chakwolokako kuhanjika muno mukamenga. Oloze vana va Kalunga vali kaha vakuwahilila, mwosena omwo, munatachikiza, shikaho etu—etu kupwa kaha nge. Ngwashingtonanyeka nge apwile kanyike walunga.

³⁷ Enu vosena, enu vavavulu, munatachikiza Ndumbu walunga Jack Moore. Ikiye wakufuma ku Shreveport, Louisiana, Life Tabernacle, ndumbu walunga wamwaza. Kaha shikaho ikiye apwile nakungulweka yami nge. Ikiye napu kambi, nawa.

³⁸ Ikiye ambile ngwenyi, “Kanda kushinganyeka nge chili chachipi, Ndumbu walunga Branham.” Ngwenyi, “Ngwasanyikile muthuumwe likumbi likwavo, na kusanyika nambala yavo.” Kaha ngwenyi, “Vakiko vakumbulwile, ngwavo, ‘Mwoyo.’ Ngwambile ngwami, ‘Chamwaza, chuma muka ove unatondo?’”

Ngwashingtonanyekele, “Chamwaza, echi chili nakuya nakushikumuka, Ndumbu walunga Jack.”

³⁹ Shikaho jino, Ngwashinganyeka nachiya nakupwa chamwaza, kaha ava masepa vase vanatondo kuvalombelela, na kuneha vathu vakuviza, kahajino etu natuya nakuvalombelela vakiko.

⁴⁰ Jino, ufukuuno, Ngunashinganyeka ha chuma muka Nanguhanjika ufukuuno hano muli eli liuka lya mwaza. Ngwashinganyekele, “Chamwaza, Ngunahono kutachikiza chuma muka.” Ngwatela kaha kumbata mutwe wachihande waundende, na kufwelela nge Mwata mwaya nakulifutula na mazu kumwe, kaha echa echi kuholokela haze nachiya nakukafwa muthuumwe. Kupwa...Kangweshi nakweseka kumbata mutwe wachihande, Ngweji kwesekanga lwola lwosena kwivwa kutwaminyina, na kusoneka lizavu lya Visoneka, na vyangocho. Kaha—kaha jino, kachi Mwata mwatwaminyina mwakuhandunuka, kahajino Nanguya kaha nge Ikiye mwatwaminyina. Kaha Ngwashinganyeka ize ikiko jila etu vosena twatela kulinga. Kanda ove? Linga mwomumwe.

⁴¹ Kaha jino kuli chuma chimwe chize—chize Ngwa—Ngwakutonda, umwe wosena ali nakuvilika ou mujimba wosena. Kaha echi chinapu, chize kachi... Omu ove uli nakuhita nakulombela kafunga kove kaha umwe wove wakuzanga, kanda kunguvulyamako, mwomwo Ngunatachikiza, hakumbi hakumbi, kuhambakana, nge etu tuli nakwiza kumakumishilo a jila.

⁴² Kaha Ngwamufunjile mama yami, milungu yayindende hanyima. Kaha kumukwata mumavoko ami palanga Kalunga amumbachile kuhwimasana na mwono wenyi Mwilu. Ngwatalile nge chindume cha kufwa cha pwevo wakuzala na Shipilitu Wajila, kaha kumona ikiye kwiza kusongo ya jila. Ngwashinganyekele, “Mamalelo, Ngwa—Ngwatela kupwa na naye nge ngachize. Ngwatela kaha kulinga chumachimwe kupwa na...kulinga chuma Ngunahase, kupwa na vathu kumona chumamuka vene chalumbunukila.”

⁴³ Kaha, masepa, Ngunapu wakukunyuka nge pamo kujiminyina chindende. Kaha Ngwashinganyeka etu kumbata echi kumunyika chachindende kuhambakana omu chili. Ngwashinganyeka nge etu twatela kwanuka. Kachi Kalunga napu wakujila palanga Vangelo kutala majilo kumeso Eyi, natuya ngachilihi nakutala? Talenu? Echi chakwoloka. Shikaho etu twatondo kwanuka. Kaha anuka, Kalunga ali natwame nakuya kuze mu Hayamyaka, muze mwamunyika chikuma musana wosena muzachiso ya musana. “Wajila, wajila, wajila,” Vangelo na mavava avo kumeso avo, na kumahiji avo, kutuka Kumeso Eyi, kutambakana, “Wajila.” Ika twatela kupwa? Shikaho etu... Omu mukiko etu tweji kwesekanga kulinga.

⁴⁴ Kaha—kaha Ngulinakwivwa nge echi, Wangana wa Kalunga, unapu nge muthu kumbata lyoji kaha kuya kukalungalwiji,

Yesu ngwenyi, kaha ikiye ambililemo. Kaha omwo ikiye afumishile, ikiye ambachile miyachi yayivulu. Oloze ishi wamwaza, mukiko vene, vamulaminenga; kaha uze chingwele apwile nakuya nakukinduluka mumeya, muyachi wa kala, na—na manoka, misulu, na suwangongo, kaha na vyangocho. Oloze lyoji lya Mujimbu wamwaza kukwata vyosena evi. Kaha etu tuli. . . Kuli nakuya likumbi limwe nalipwa lwola luze etu natumbilamo lyoji, Ndumbu walunga Adams. Echi chakwoloka. Echi kacheshi ngochoko mokomoko Nanguhanjika ou ishi kaha hiya keshiko. Etu tunahono kutachikiza. Etu tweji kumbilamo lyoji na kuchikoka. Mukiko kaha. Kalunga atachikiza Lyavene. “Vaze Ikiye atachikijile lyehi, Ikiye avasanyikile; kaha vaze Ikiye asanyikile, Ikiye navavulukila kwoloka; kaha vaze Ikiye navavulukila kwoloka, Ikiye navatohwesa.” Shikaho etu tuli nakuvandamina, kutapula kaha lyoji. Kaha elu lunapu lusesa lwami ufukuuno kwimana muli Ndumbu walunga Edmond liuka hano kukafwa lyoji muchihela kana, kumona kachi kuli kala ishi uze Kalunga ali na Wangana Wenyi.

⁴⁵ Jino, shimbu kanda etu tutange Lizu, echa tuhanjike na Mwenya eli Lizu chindende kaha shimbu etu twanongama mitwe yetu.

⁴⁶ Na mitwe yetu yakunongama, mukujila cha lwola, nge etu tuli nakupandama ku Lizu lya Kalunga wakuyoya, ou napu Kalunga, Ngwalikomokela kachi kuli vathu muno vali nakutonda mumichima yavo, nge vakiko vanatondo kuvanuka mukulomba. Pamo kupwa chakwijivisa ha kuzundula livoko.

Mwata Yesu, tala mulikungumbuwa, kutachikiza muchima wosena.

Ngwasakwilila.

⁴⁷ Kalunga walikoji chikuma na Kalunga wakujila, El Shaddai, chize chasolokele kuli Apalahama mu Lijina lya “uze Wakulitulaho, ou Kalunga akwechi livele, uze Mukakuhana ngolo, uze Fumbelo wa kuzeya,” kwiza kuli etu ufukuuno, Tata. Kaha etu tunatachikiza kuzeya chetu na kuluwisa chetu. Etu kulikonekela jishili jetu kumeso Ove, kaha kujihaka hakamenga Kove kaunengu kakusopela, na kuhula aze Manyinga a Yesu Kulishitu avambachile nakuya, mu mulambu uze etu tulingise. Tuhanecho echi, Ove Kalunga.

⁴⁸ Etu kulihana viyoyelo vyetu na vyosena etu kupwa, kaha talenda yayindende kutuhanaetu. Mwata, azachise kuupahu wa Kalunga.

⁴⁹ Kisula eli liuka, na kafunga kavo wakuzanga, vakakuzata muliuka, vakufwelela, kaha lizavu lyosena, kaha kala membala uze mweza nakwingila muliuka vavuluka “Kulikata.” Kalunga, Ngwalombo nge malunga na mapwevo, shimbu vakiko kutambuka muli chize chikolo cha chino chihela, nge vakiko

navaya nakuholoka mwishi ya kukunyuka mwomwo ya chiyulo cha Shipilitu Wajila mukachi ka zuvo. Tuhanecho echi, Mwata.

⁵⁰ Tukonekele jishili jetu, na kuzombojoka chetu jishimbi, etu twalombo cheka. Anuka vaze vanazundula mavoko avo. Kwishi ya livoko, Mwata, chapwile kutonda cha muchima chumachimwe kufuma kuli Ove, kaha pamo Ove ukawenyi nahase kuhana echi. Ngwalombo nge Ove uyenga nakuvahanacho, Tata. Kala chuma vakiko vanatondo, vahanecho vakiko mukulisala. Kachi kuliumwe wakuviza, Mwata, vahindule. Kachi kuliko umwe ali nakuholoka kusali, muzamikise uze umwe, aze mambuli akuzeya. “Lihongo lyakutanya, Ikiye keshi kaya nakulihokolako, mokomoko kuwema cha likanya chize Ikiye keshi kuhasa kujimako.” Kaha etu kutachikiza nge Ikiye keshi kuhasa kufuma kuli lize lihongo lyakutanyako; Ikiye mwaya nakuliwahisa. Kaha Ngwalombo, Tata wa Mwilu, kachi kuli kala mashipilitu ali akuhokoka, mokomoko—mokomoko kunyengetesa, mokomoko mavoko anazeye mbwamwala, kaha mambuli kukopama, echa akiko apwenga akuzunduka ufukuuno, Mwata. Echa Shipilitu Wajila ezenga na kuka michima yetu na mashipilitu, kaha vathu jetu kupwa mujimba, kaha etu natuya nakumuhana Ikiye kwalisa chosena. Etu twalombo echi mu Lijina Iya Yesu. Amena.

⁵¹ Kachi ove unatondo kufukununa ku Chisoneka, kupwa kaha pamo minyutu seti’ hanjika, Ngunatondo enu kutanga hamwe kufuma mu mukanda wa Kusoloka, kapetulu 19. Kaha Ngwatondo kutanga ha vasi 7, yosena.

Kaha vyumaevi hakukuma Ngwevwile nge kuvuma chachinene chaliyongomena lyalinene chikuma mwilu vapwil nakwamba ngwavo, Haleluya; Kulwila, . . . upahu, na ngolo, vyapwa vya kuli Mwata Kalunga ketu:

Mwomwo kuyula chenye chapwa chamuchano chakwoloka chili chenye kupaisa: mwomwo namupaisa lyehi uze mukaujila wawvulu, uze enyekelenga hamavu na ujila wenyi, kaha kalunga na tende manyinga avandungo jenyi kulivoko lyenyi.

Kaha hinavamba cheka kamuchivali ngwavo, Haleluya. Kaha wishi wenyi naufwindasananga nahaya myaka na myaka.

Jino vaze vakulwane makumi avali navawana navaze vakakuzoya vawana valimbilile hamavu vamulemesele Kalunga ou atwama halitanda Iya wangana, ngwavo, Amena; Haleluya.

Kaha kulitanda Iya wangana kwafumine lizu lyambile ngwenyi, Mwalisenunga Kalunga ketu, enu vandungo jenyi muvosena, enu mwamwivwa woma, nayenu muvandende nayenu muvavanene.

Kaha Ngwevwile nge kuvuma cha liyongomena lyalinene, kaha nge kuvuma cha vimeya vyavivulu, kaha nge kuvuma chamikalatete yaundume ngwavo, Haleluya: mwomwo Yehova Kalunga ketu ukwechi ngolo josena.

Echa tupwenga vakuwahilila kaha tukinyinyinenu, tumutohwesenu: mwomwo kumbachisa chamwana mukoko chineza lyenyi, kaha mwenga wenyi naliwahisa lyehi.

⁵² Nge kuhanjika ufukuuno ha mutwe wachihande: *Kumbachisa Cha Mwana Mukoko*, katando kakandende na... Etu tunapu vakukasunuka na echi Chisoneka. Kukakasana chauchi oloze pashita yenu wamwaza hano nanehenga ou mutwe wachihande lwola lwaluvulu.

⁵³ Kaha, chize, etu tunatachikiza nge kuli nakuya nakupwa Mwenga, kaha kulinnakuya nakupwa chifupawenga nachikapwa muutangatanga. Echi chili kaha wakukunyuka kupwa, nge Kalunga, mwomwo linapu Lizu Lyenyi. Kaha etu tunatachikiza nge vaze vali nakuya nakulingisa Mwenga kuya nakupwa Liuka Lyenyi, kaha vakiko vali nakuya nakusoloka kumeso a Ikiye chakuzeneka kupwa na lipenga mokomoko mukanya. Kaha vakiko vakwechi vyuma hano hamavu jino kulingisa vavene kupwa vakulizanga. Kachi enu namutalisa kanawa, vachamba ngwavo, “Ikiye naliwahisa lyavene.”

⁵⁴ Shikaho vavavulu ngwavo, “Kachi Mwata mwaya nakufumisa ou shipilitu wamupi kufuma muli yami, kufuma mukunwa, mokomoko kufuma ku kusekasana chawiji, mokomoko kufuma ku kwonga, mokomoko kwiva, Nanguya nakumuzachila Ikiye.”

⁵⁵ Oloze echi chili kuli enu. Talenu, enu mwatela kulinga chuma chimwe, nawa. “Vakiko vaze vakakufungulula navakaswana vyuma vyosena.” Vakiko vaze vakakufungulula. Ove uli na ngolo ja kulinga echi, oloze ove watela kupwa wakulizanga kuhaka echi hamavu. Talenu? “Ikiye nalingi Lyavene kupwa wakulizanga.” Ngwazanga lize Lizu.

⁵⁶ Mwamono, Kalunga keshi kuhasa kushinjika etu nakuhita mumupila waundende, kushinjika nakulovoka kusali yikwavo yakusongo, kaha jino kuhanjika, “Wakukisula uze nafungulula.” Ove kaweshi nachakufungululako; Ikiye kushinjika kaha nakuhita. Oloze ove watela kupwa nakusakula ove lyavene. Ngwatela kusakula amilyavene. Mukulinga ngachize, etu tweji kusolola lufwelelo lwetu na kalemesa kuli Kalunga.

⁵⁷ Apalahama apwile na mwana walushiko, oloze ikiye atela kutwama nalushiko lwa myaka twende faifi, helu nahamavu ikiye apwilenga, na vyeseke, muli ize myaka twende faifi. Oloze ikiye akwachile ku lizu lya lushiko.

58 Kaha Isalele apwile kulifuchi lya lushiko, oloze vakiko vatelele kuzunga kala tambo yosena. “Kwosena okwo vilyachilo vyamahinji ove naulyata, chize Ngunamihanecho,” Kalunga ahanjikile ngachize kuli Yoshiwa. Chize chapwile chosena kuze. Lize lifuchi lyapwile kuze, kaha Kalunga avahanyine kuli vakiko, oloze vakiko vatelele kuzunga.

59 Mujila yoyimwe ili ha kuka cha Ukalunga. Kalunga akwechi ngolo ja kuhindula ove, kachi ove uli na kumika nakwitavila echi, oloze ove muya nakuzunga kala chuma chosena mujila.

60 Kalunga akwechi likoji lyakukomwesa mwakulwila ove, kaha Ikiye mwaya nakuchilinga, oloze ove muya nakuzunga kala tambo ya jila yove.

61 Ngunapunga kunyima kukamenga, hamyaka seti wani, kaha kala tambo yosena yinapu kuvangila kuzungisa. Echi punduvene chili.

62 “Oloze etu twatela kuzunga kachi etu twatela kuyula.” Shikaho etu tunawane nge Mwenga atela kulilingisa Lyavene kupwa wakulizanga. “Pwenu vakulizanga kutulika kusali kala vyuma vyeji kutulemuwisanga etu, nge etu tunahase kupwa na kukakachila kukulaha chili kumeso etu.” Etu twatela kuwahaka kusali, etu vavene. Etu katweshi kuhasa kuhanjika, “Kalunga, Ove twaya, uhake kusali ya etu.” Etu twatela kulinga ngachize, etu vavene.

63 Jino, Ngunatondo kushinganyeka vifupawenga. Ngunapunga nalisesa lya kumabachisa vamwe vathu vavandende. Kaha Ngwashinganyeka, omwo Nanguneha mukweze walunga na mukweze wapwevo kuze kukamenga, kaha kuvamona vakiko kwiza kuhichila muliuka; kaha ikiye, kupwa wamwaza na uvwalo wamuwenga, kaha chitambala kumeso eyi kaha linasukama; kaha samwenga, hazevene, navwale mwamwaza; kaha mukweze kaha wakusoloka kanawa, nge vakiko kutambuka nakushikumuka kuze muzevene mukuyoya chamwaza, kaha kumbata lushiko lwakumbata, Ngwashinganyeka kuli chumachimwe chiyema hali echi. Kuze kakweshi chumachimwe chakujila, mwomwo chize cheji kungwanukisanga nge nakukapwa wenga waunene likumbi limwe, omu Mwenga wa Kulishitu mwakaya nakutambuka nakushikumuka mujisenge ja Upahu.

64 Uze Samwenga mwakaya nakupwa wakulizanga lyehi. Kuze nakukapwa wenga kaha wahachingoloshi. Omwo etu twazanga kushinganyeka kutwama kusali ya mesa kuli umwe namukwavo, na kulimeneka mumavoko umwe namukwavo, na masoji kuhita kumakili etu. Kaha shinganyeka, Ikiye mwaya nakwiza nakujinguluka, na masoji osena kufuma ku meso etu, kuhanjika, “Kanda kulilako. Echi chili kwosena jino. Ingila mu kuwahilila cha Mwata chize vamiwahishilile enu kufuma

kukwala chikuku cha kaye.” Mamalelo, ndumbu walunga, echi nachiya nakutulingisa etu kupwa kuzanga umwe namukwavo.

⁶⁵ Ngwashingtonyeka ou ukiko ukalu na Liuka, ou Mwenga lelo, chize chalingishile kupwa mumauka osena aze vakaufwelela muli Kulishitu. Echi keshi kutunga liukako, chipwe lizavu mokomoko chikungulwilo, oloze echi chili muthu ukawenyi ali muliuka uze eji kulingisa Mwenga.

⁶⁶ Ngukwechi sepa lyami wamwaza mu Louisville, Kentucky, Ndotolo Wallace Cauble, uze apwilenga mukakuzata mu Church of Christ, kaha kwiza na kutambula Shipilitu Wajila, kaha tufunga umwe wamunene, mauka amanene mu Louisville, liuka lya Open Door. Ikiye napunga sepa lyami wamwaza kuli yami. Kaha makumbi amandende kunyima okwo, Ngwemanyine mujila, kaha Ngwamumwene ikiye kwiza mujila. Kaha Ngwapwilenga lwola lwosena nakumuzanga ikiye, kaha ikiye anguzangile yami.

⁶⁷ Oloze likumbi limwe ikiye vamupulile kufuma kuwiji wakawa, kaha ikiye apwile nakuhita manyinga palanga nakukufwa. Kaha vakiko vamutwalile kuze ku Chipatela cha Saint Joseph, kaha vakiko vambile ngwavo ikiye apwile na kufwa. Kaha Pwevo lya McSpadden angusanyikile, ambile ngwenyi, “Ndotolo Wallace Cauble.” Kangwamwijiye ikiyeko, oloze Ngwatachikjile nge kuli liuka lyalinene lya Open Door. Ambile ngwenyi, “Ikiye ali nakufwa. Mandotolo vanamwase jindongo, vyumavimwe nawa. Vakiko kumutonda. Ikiye ali lika na nakunokola, kaha vakiko kaveshi kuhasa kwimika manyinga ko. Manyinga eyi ali nakuhona kulikwata, kaha, munatachikiza, kwimika kuhita cha manyinga.” Kaha ambile ngwenyi, “Vakiko vakwechi tumishonali muze, kaha vakiko vanatondo ove kwiza, nakumulombelela ikiye.”

⁶⁸ Chamwaza, Ngwevwa lyehi Ndotolo Wallace Cauble, kaha shikaho Ngwapwile kaha wakuzeya chindende, oloze Ngwayile nakuhita. Kaha omwo Ngwatalile muze mukapete, mwapwile wa mishonali na vakakuzata vavanene, vosena muze, kulila na kulomba. Kaha Ngwashingtonyeka, “Mamaah, yami! Wamundende, mukakujila wakulyalanga, yako muze? Ngwatela kutwama kaha hano.” Shikaho Ngwayile kunyima ya Kalikina muze muzuvo. Ngwalombele kuli Kalunga, na—na kwimika manyinga, hali Ndumbu walunga Cauble. Ngwayile nakukinduluka na kulovoka.

⁶⁹ Ngukwechi kaha hembo, ha minyutu fifiteni, kaha shinga kuvuma cheka, kaha kutonda kutachikiza kuchelewa, chize Kangwapwile kuzeko. Kaha Ngwambile ngwami, “Ngwa—Ngwejile. Oloze kwapwile vavavulu muze. Ngwa—Ngwevwile kaha kuhona kwiza nakwingila, pamo, talenu, shikaho vavavulu, vakakuzata vavanene muze.”

⁷⁰ Kahajino ikiye ngwenyi, “Twaya hano vene.” Ngwenyi, “Uze lunga keshi kuhasa kuyoyako oloze chindende.”

⁷¹ Shikaho Ngwayile cheka, cheka. Kaha omwo Ngwayile muze, ikiye apwilenga nakweseka kupwa na ndumbu wapwevo wa Katolika kwitavila Kulishitu kupwa Mulwilo wavo; kaha ikiye kuhita manyinga, kaha manyinga kutuka kufuma mukanwa kenyi. Ngwatambukile nakwingila.

Kaha ikiye ngwenyi, “Shangwenu mwane?”

⁷² Kaha Ngwambile ngwami, “Shangwenu mwane?” Ikiye atwamine hakahela, kaha kukohola nge ngachize, kaha manyinga kwiza nakulovoka.

Kaha ikiye ambile ngwenyi, “Lijina lyove lika?”

Kaha Ngwambile ngwami, “Yami Ndumbu walunga Branham.”

⁷³ Kaha ikiye aputukile kulila, kuhaka mavoko enyi hali yami. Ngwafukamine haze.

⁷⁴ Jino, napu Ndotolo Wallace Cauble, wa Liuka Iya Open Door mu Louisville. Kumutwalila mukanda. “Aze manyinga emanyine haze ha second.” Kafumineko, kufuma haze. Talenu? Kaha etu tunapunga vene, masepa vamwaza kufuma haze. Kaha likumbi likwavo, Ngwaliwanyine nenyi. Kaha ikiye ambile ngwenyi. . .

⁷⁵ Oswald J. Smith, enu vavavulu munatachikiza Ndumbu walunga Smith. Ikiye apwa kamishonali wamunene, kaha ikiye ejile kuli Ndumbu walunga Cauble, mwomwo ikiye amuzanga ikiye chikuma. Ikiye ambile ngwenyi, “Ndumbu walunga Cauble, munatachikiza,” ikiye ambile ngwenyi, “Ngwa. . .” Chumachimwe hali pwevo lyenyi. Ikiye ambile ngwenyi, “Omwo Ngwambachile chatete,” ambile ngwenyi, “Ngwevwile nge, chamwaza, kachi Nangu kuluwanganyisa, Nanguya, mamalelo, Kangweshi kuhasa kumbata mukwavo weka,” mwomwo ikiye apwilenga mukweze. “Oloze,” ambile ngwenyi, “hanyima ya kwiza cha vana,” ambile ngwenyi, “kahajino echi chinapu chachikalu kulinga chakuzeneka ikiye. Jino omu ove muheta ha myaka fifite yakusemuka, ove kaweshi kulinga chuma chakuzeneka ikiyeko. Kaha nge omu naukula, mwomwoika, ove—ove uli nakwivwa mujila kana.”

Ngwambile ngwami, “Ngwashinganyeka chize chili chakwoloka.” Ngwapwile. . .

⁷⁶ Mutwe wachihande uli nakwiza, munatachikiza omwo mapwevo vakalemesa vanahase kupwa na chitanda, kaha pwevo lyami apwile muze. Kaha ikiye napu mwangana wapwevo wa vyosena. Ikiye atwamine kaha lwola lwosena. Lihinji lyami lyakuzeya lyapwanga hakamwihi nakungujiha, muze mujila kutambuka nakujujuluka na ikiye. Kaha ikiye apwile nakungulweka, ngwenyi, “Chamwaza, ove kaweshi kuhasa kulinga chakuzeneka ikiyeko.” Kaha omu mukiko chejile.

77 Omwo Ngwayile kwimbo, Ngwatwamine mukapete, kushinganyeka, “Echi chakwoloka.” Ngwachihakile kuchuma chimwe cheka.

78 Munatachikiza, omwo Ngwapwile watete kwalumuka mu...kwiza nakupwa mukakunangula wamu Mishonali Mbaputishiti, Ngwashingtonyeka, “Kachi muthu kapwile ka Mbaputishiti ko, ikiye kaha kalwilileko. Mukiko kaha chatela kupwa.” Kaha Ngwalongejeka Mbimbiliya mwishi ya livoko lyami, kaha Ngwashingtonyeka nge Mwata angusanyikanga yami kupwa vosena va Mbaputishiti. “Kaha kalamuthu kafwelele kupwa kaha nge mukakufwelela wamu Mbaputishiti, vakiko kavapwile mu chifwanyisa ko.”

79 Omu makumbi ahichile, Ngwashingtonyeka Ngwapwile na mulimo wosena wakulinga, ami lyavene. Kaha Ngwejile na kuwana, Ngwamwene ndumbu walunga mukwavo apwile na liuka, pashita. Ikiye akokele chikuma, kupwa kaha chikuma nge omu Ngwalingile. Hanyima ya vyosena, lize lipayi lyatanduukile chindende kutwala kuli ikiye nawa, munatachikiza.

80 Kahajino etu tunawane, etu twatondo umwe namukwavo. Kaha jino, hanyima etu kuputuka kupwa na echi kwakusuku, chinapu kaha chachikalu kulinga chakuzeneka umwe namukwavo. Mukiko kaha. Etu twatela kupwa na umwe namukwavo, nge. Kaha Ngwafwelela nge echi chili mukutambuka cha chipendekosita chachinene. Ngunawahilila hakumba mikeleko yakuhandunuka nakuwokoka, lize Liuka lyalinene lya Kalunga kuputuka kuwanunga hamwe mukulikata. Kulumbununa nge wenga uli nakwiza hakamwihi jino. Kaha aze malolwa, apwa akuvatula nge omu apwa, vakiko vakwechi chihela kumwe muli ize zuvo, kachi vakiko vali malolwa a Mwata.

81 Jino, ulo, muchishinganyeka chimwe, kupwa muyachi. Ulo wahamavu hano kupwa ulo wahamavu. Jino echa tuhite, kupwa kaha jitando jajindende, kuhitulukamo chindende.

82 Chuma chatete kuli chize, kwatela kupwa kusakula. Chuma chatete, kumbata, mu kusakula cha chisemwa, kusakula chatela kupwa. Uze mukweze wapwevo wakalemesa atela kusakula chenyi, nge ikiye natondo ou mukweze walunga; kaha mukweze walunga, chipwe ikiye natondo uze mukweze wapwevo. Kwatela kupwa kusakula, kaha ove watela kuchilinga. Ikiye atela kupwa pwevo muno mukaye uze ove wamuzanga, kaha ikiye atela kupwa muthu kaha. Kachi echi kacheshi, kahajino ove wasakwile mwakuhenga.

83 Kaha eyi ikiko jila yoyimwe ili ha kusakula cha Kulishitu. Chuma chatete ove watela kulinga, ali nakulingisa vishinganyeka vyove nge nauya na kuzachila Kalunga na kumuhana Ikiye kupwa Mulwilo wove, mokomoko ove kaweshi kuya nakuchilingako. Ove nauya na kuzachila kaye? Ove muya

nakuzachila Kulishitu? Ove watela kupwa na vishinganyeka vyove. Kwatela kupwa kusakula. Omwo ove naulingisa vishinganyeka vyove, nge ove watela kuya na kuzachila Kalunga mokomoko mali, kahajino ove mbata kusakula chove. Oloze kusakula chatela kupwa.

⁸⁴ Kaha jino, hanyima ya kusakula valingile, nge ove uli, jino nakwiza mukuhuhwa. Chize, enu kuwana uze kamenga. Ove watela kuhuhwa chatete shimbu kanda kuliwana chipwenga ko. Kaha omu mukiko mujila yili na Liuka lya Kulishitu. Echi chinapunga kuhuhwa na Kulishitu, nge—nge kulishika, kuhuhwa, kwingila muzangi.

⁸⁵ Kaha jino, chuma chakushisaho, chili—chili kupwa nakulishika. Kwatela kupwa kulishika kuli umwe namukwavo, mujila kaha ove unashiki. “Muchima wami, kachi ove muya nakumbata yami, Ngunakushiki nge Nanguya nakupwa wakushishika na muchano. Kangweshi kaya nakutala hali pwevo wekako.” Mokomoko, “Kangweshi katala hali kala lunga wekako. Kaha Nanguya nakulinga vyosena nge mulimo, nge pwevo. Etu kupwa na vana, nangukaya nakulinga nge—nge nevo. Nangu—Nanguya nakupwa mukakulamazuvo.” Jishiko josena eji ngulishiki, mokomoko jatela kupwa, muchilika chakwoloka.

⁸⁶ Kaha echi chikiko chuma chochimwe omwo enu namwiza kuli Kulishitu. “Mwata, kachi Ove muya nakungwitavila mu Wangana Wove, Ngwalishiki.” Ove uze. “Nanguya nakukuzanga Ove. Nanguya nakupwa wamuchano kuli Ove. Nanguya nakukuzachila Ove, musana na ufuku.” Echi chili chachipi etu kuvulyama chize. “Nanguya nakukuzachila Ove, musana na ufuku. Nanguya nakulitwamina kulya. Nanguya nakulomba. Nanguya nakupwa wakushishika kuli Ove. Nanguya nakuneha chamulikumi muze muzuvo yakulamina. Nangu—Nanguya—Nanguya nakulomba, lwola lwaluvulu halikumbi. Nanguya—Nanguya nakulinga kalachuma. Kaha Nanguya nakuhana zangi yami yosena kuli Ove.” Omu mukiko watela kulinga. Echi chili vene chakwoloka, kuze ove lushiko luze, kaha chatela kufuma mumuchima wove.

⁸⁷ Kachi ove mushike lunga lyove nge, kaha keshi kufuma mumuchima wove ko, ove unalumbununa echi, ove unapu lyehi keshi wakuyoya mwakwolokako na ikiye. Eyi yinapu zangi yalilolwa.

⁸⁸ Tala hano. Kachi—kachi ove kaweshi na mazo ko, kaha ove nauzachisa mazo akwonga, jino, echi chosena chakwoloka. Eli linapu lyakushisa mulizo nge enu kupwa kamwe. Oloze, kakavulu, aze mazo kaweshiko akulinunga na ove. Echi kakeshi chihanda cha oveko. Kachi ove wapwile na—na livoko lyami, kaha ove kuhaka livoko lya kwonga, chamwaza, lize livoko

kalyeshi lyakulinunga nalyoko. Lili lya kukukwata ove. Talenu? Echi kacheshi chakulinunga na ove ko.

⁸⁹ Kaha omwo etu natumbata kwala chetu kuli Kulishitu, kachi etu katweshi nakwiza nakupwa chihanda cha Ikiye ko, nge pwevo atela kwiza nakupwa chihanda cha lunga na chihanda cha pwevo, kahajino etu twapwa Vakakulishitu vakulitulaho. Etu katweshi, vene. Enu muli vene keshi vakumbata uze pwevoko. Ove unahase kupwa wakushishika. Kachi ove kazanga lunga lyoveko, kaha ikiye sikisite mokomoko seвете yakusemuka, kaha ove kawamuzangako nge omu wapwilenga kukuputuka, jino ove uli kaha nakulele vana venyi.

⁹⁰ Omu mukiko mujila mauka ali, amavulu nalelo. Etu tuli kaha nakumbata lijina lya “Liuka lya Vakakulishitu,” kulifwanyisa kupwa Mwenga. Omwo, echi chinapu chakukomwesa. Etu katweshi vakulinunga na Kulishituko mukala jila. Etu tuli nge lizo lyakutunga kuvathu, livoko lyakutunga kuvathu, liso lyakutunga kuvathu. Talenu? Echi chili chumachimwe chize chinapu chuma chauthu kachi etu tuli kaha nakuhaka echi. Chamwaza, ove kaweshi kuhasa kuhaka Ukulishituko. Ove watela kupwa wakulinunga na echi.

⁹¹ Kaha jino liuka echi chinapu chuma chauthu, vavuluka kupwa liuka lya Kulishitu, chamwaza, vaze vana kaveshimoko Muze, uze nasemuka kuchikungulwilo chimwe. Chili kaha . . . Vakiko kaveshi vana va Kulishitu ko. Vakiko vanapu vana va chikungulwilo, kaha keshi vana va Kulishitu ko.

⁹² Kachi pwevo keshi wakulinga mumuchano na lunga lyenyiko, jino keshi lunga lyenyiko. Ali kaha muthu ikiye ambachile lushiko lwa kuyoya na, kaha ikiye ambachile lushiko lwakuhenga. Ikiye amushinjilile kumuzanga ikiye, kaha ikiye ambile ngwenyi ikiye amuzangile, kaha ikiye kachilingileko. Lwola lwosena, uze lunga vamuhungumwisa.

⁹³ Oloze kuli chuma chimwe punduvene, masepa, etu katweshi kuya nakuhungumwisa Kulishitu. Ikiye atachikiza venyi Ivene.

⁹⁴ Oloze, mwamono, chatete, kusakula. Chinashishiho, kuhuhwa, Jino, lushiko.

⁹⁵ Kaha, jino, chize chilika. Kaha muze mukiko mwenga—mwenga eji kumbata lijina lya samwenga. Ikiye keshi chekako kahajino lijina lyenyi. Ikiye eji kumbatanga lijina.

⁹⁶ Kaha jino omwo eli Liuka lili na chilika, kulingisa jishiko javo, kahajino Ikiye mwambata Samwenga wa Lijina. Kahajino Ikiye keshi cheka liuka lya kaye ko. Ikiye napu Liuka lya Mwata Yesu Kulishitu. Amena. Keshi . . . Kangweshi nakutwala muzeko, nge, ha lijina. Ngunatwale, nge, ha Kusemuka, ha chisemwa, ha ngolo ja Kalunga. Ha kusoloka cha Muchano cha Kalunga, mukachi ka muchima, Ikiye ejile nakupwa Liuka lya Vakakulishitu, lize lizavu lyalinene lya apositolic Christian Church. Likiko kwiza nakupwa chihanda cha Kulishitu. Omwo

Ikiye alingile chize, Ikiye... Kulishitu engishile mu Shipilitu Yenye Ivene, Kuyoya Chenye Ivene. Kaha eyi Mbimbiliya ngwayo, kuli Alama na Eva, kuze, “Enu kamweshi cheka vavaliko, oloze umwe.” Kaha omwo uze pwevo, Liuka, ali wakumbata Kulishitu, vakiko kaveshi cheka vavaliko. Vakiko vanapu Umwe. Kulishitu muli enu! Amena. Mukiko kaha. Chiyoyelo Chenye vanachinehe muli enu, kahajino enu namwiza nakupwa Mwenga.

⁹⁷ Kahajino, chuma chikwavo, hanyima ikiye nambate jishiko josena, na vyangocho, kaha viwanyino vanahanjika:

⁹⁸ Nge, lijina lya pwevo lyami apwile Broy shimbu kanda ngumumbate. Jino ikiye keshi cheka Broy ko. Ikiye napu Branham. Jino, ikiye keshi cheka Broy ko. Ikiye apwa Branham.

⁹⁹ Kaha omwo enu namwiza muli Kulishitu, enu kamweshi cheka kayeko. Enu munapu wa Kulishitu. Talenu? Ove kazakamine vyuma vya kaye. Vakiko vali vakufwa kuli ove. “Mwomwo ikiye azanga kaye, mokomoko vyuma vya kaye, zangi ya Kalunga kayeshi muli ikiyeko.”

¹⁰⁰ Shikaho, mwamono, ove kaweshi kuhasa kupwa Mukakulishitu waktunga. Ove unahase kupwa chuma chauthu, kulivuluka kupwa Mukakulishitu.

¹⁰¹ Oloze ove kaweshi kuhasa kupwa Mukakulishitu, kwiza, palanga nomu Kulishitu engisa Lyavene, ha lujimiko lwa Shipilitu Wajila, muli enu. Kahajino ove uli wakulinunga na Ikiye. Ove kaweshi cheka vavaliko. Ove uli Umwe. Kulishitu ashikile kupwa muli etu, nge Tata apwilenga muli Kulishitu. “Yami na Tata Yami twapwa Umwe. Enu na Yami twapwa Umwe.” Talenu? Kulishitu muli etu! Vyosena vize Kalunga apwilenga, Ikiye ahingunuine muli Kulishitu. Kaha vyosena vize Kulishitu apwilenga, Ikiye ahingunuine mu Liuka, kutwalilaho mulimo wa Mujimbu wamwaza.

¹⁰² Kahajino etu tuneza, keshi ha lijina lyachuma chakukomwesa, oloze ha muchano wa Shipilitu Wajila wa Kuyoya kulinunga na etu muli Kulishitu. Kahajino, kuhichila mu ngolo ja kusanguka Chenye, etu twasanguka kufuma kuvyuma vya kufwa vya kaye, kaha kutwama na Ikiye mu vihela vya Mumelu. Amena. Ngwazanga chize. Ufukuuno, etu tunatwame muvihela vya Mumelu muli Kulishitu Yesu, talenu, wakusanguka na Ikiye; afwile kuvyuma vya kaye, na kumbata Kulishitu. Kaha omwo etu natumbata hali Kulishitu, kahajino kaye ka kufwa, kahajino etu katwalizakamina kaye ko. Aka kaye kali kakufwa kuli etu. Kaha etu tuli... Kaha echi chili cha kufwa kuli etu, kaha etu tunapu vakufwa kuli echi.

¹⁰³ Ove unapu muthu wakuhandunuka, uthu wakuhandunuka, mwomwo ove unapu tengeso yayihya. Tengeso! Keshi tengeso yoyimweko, yakuliwahisa; keshi nge—nge muthu uze alumukile kupwa lifwo yayihya. Oloze muthu uze afwile, kaha napunga wakusemuka chachihya, kaha kwiza nakupwa tengeso yayihya

muli Kulishitu Yesu, kaha Shipilitu ya Kalunga kuyoyela muli muthu.

¹⁰⁴ Jino, kupwa nge uze pwevo keshi cheka Broy ko, ikiye napu Branham, kaha ikiye kuya ha lijina.

¹⁰⁵ Kaha Liuka kalyeshi lyakuhambakana kaye, oloze lili mu Lijina lya Kulishitu, Ikiye ali. Ikiye ali wakulinunga na Ikiye, na Kuyoya Chenyi Ivene.

¹⁰⁶ Enu mwatanganga lyehi mu Chisoneka, omu uze lunga watete, Kalunga atangile, apwile nge—nge muthu wamulemu? Alama apwile na Alama na Eva, kuhanjika mushipilitu, oloze omwo Ikiye atangile muthu watete mu chifwanyisa Chenyi. “Kaha Kalunga napu Shipilitu.” Oloze, omwo Ikiye avahakile mumujimba, Ikiye avahandunuine vakiko. Ikiye ambachile shipilitu yamishisamishisa, nakuwahaka muli lunga, kaha ambachile shipilitu yakuzeya kaha nakuyihaka muli pwevo.

¹⁰⁷ Jino, omwo enu namumona pwevo kutonda kulinga nge muthu, kuli chuma chimwe chakuhenga. Omwo enu namumona muthu natondo kulinga nge pwevo, kuli chuma chimwe chakuhenga. Shikaho chinasoloka nge kaye kali vakuhenga, lelo. Malunga vali nakweseka kulinga nge mapwevo; mapwevo nge malunga. Echi chakwoloka. Unapu muchano.

¹⁰⁸ Jino tala. Echi chinapu chakukupuka, nge omwo Kalunga ambachile na kutunga muthu, kaha kusolwesa nge Ikiye katondele chifume kuli muthu wekako wakuhandunuka, uze pwevo keshi mukutenga chateteko. Shikaho ikiye keshi mu tengesoko, oloze ikiye napu chihanda cha Alama. Ikiye napu mukakutukafwa. Ikiye kuya nakwingila kuluhachi lwa Alama, keshi kupwa kutenga chikwavoko, oloze kumbata chihanda cha tengeso na kutunga tengeso yikwavo kufuma muli chize. Kaha Ikiye ambachile shipilitu yamishisa mishisa ize yapwile muli Alama. . . Kaha ambachile shipilitu yakuzeya ize yapwile muli Alama, chipwe, kaha nakuuhaka muli pwevo. Shikaho, shipilitu na mujimba, vakiko vejile nakupwa umwe.

¹⁰⁹ Chapwile chifwanyisa chamwaza kuli chuma Kalunga alingile ku Kavali. Ikiye ambachile Kulishitu, kaha alinungile Ikiye na Liuka, kuhichila kusali ya kakahya, Ikiye anehele Manyinga aze atomesele muthu, uze mukakukuka mujimba wa Liuka, na kuhaka Shipilitu ya Kalunga wakuyoya, nge Ikiye afumishile kulusu, kulovoka muli Kulishitu, kaha nakuhaka Echi muli muthu ukawenyi. Kahajino vakiko vapwa umwe. Vakiko vejile nakupwa umwe. Kulishitu kaha ove uli umwe.

¹¹⁰ Kaha ove na lunga lyove watela kupwa umwe. Kachi kuli kalachuma chakulimbalaka, kahajino kuli chumachimwe chakuhenga na kulinunga chove.

¹¹¹ Kaha kachi kuli kalachuma chakulimbalaka na etu, kuli Kulishitu, etu katwafwelela Lizu Lyenyi ko, kuhanjika, “Mamalelo, chize chapwilenga cha makumbi akwavo,” kuli

chuma chimwe chakuhenga na kulinunga na Ikiye. Kachi ove muhanjika, “Makumbi avikomwesa ahita lyehi; kakweshi kuka cha Ukalunga ko; kakweshi lujimiko lwa Shipilitu Wajila ko,” kuhaka echi kunyima kumwe, echi chinasoloka nge Shipilitu ya Kulishitu kayeshi muli enuko.

¹¹² Mwomwo, “Kukuputuka kwapwilenga Lizu, kaha Lizu lyapwilenga na Kalunga hamwe, kaha Lizu lyapwilenga Kalunga. Kaha Lizu lyalitengelekele kupwa wachisemwa cha hamavu.” Kaha jino omu Lizu Lyenyi lyejile nakuzama muli enu, jino, enu kumona, yinapu enu na Kulishitu kupwa umwe jino. “Kachi enu namupwa muli Yami, kaha Lizu Lyami muli enu, enu munahase kulomba chuma muka enu namuya,” mwomwo keshi enu mwekako. Eli linapu Lizu lya Kalunga, Kulishitu muli enu. Enu muneza nakupwa umwe. Chosena chakwoloka.

¹¹³ Jino, chuma chikwavo, hanyima ikiye kulinga ngachize, hanyima ikiye kupwa wakuzala na jishiko jenyi, kaha kumbata ulo wenyi, kaha kumbata lijina lya lunga kupwa-lyenyi, lijina lya samwenga, kahajino ikiye napu swana wa vyuma vyosena ikiye ahetele. Ikiye napu swana wa vyuma vyosena. Pwevo lyove napu swana wa vyuma vyosena ove ukwechi.

¹¹⁴ Kaha chize chikiko chuma chize Liuka, kachi Ikiye achitachikijile, kupwa chihanda cha Ikiye na Shipilitu Yenyi muli Ikiye. Ikiye ambile ngwenyi, “Eyi milimo Nguli nakulinga namukaya nakuyilinga nawa. Kuhambakana nevi namukalinga, mwomwo Nanguya kuli Tata Yami. Shimbu yayindende, kaha kaye kakeshi Kungumonako chekako; oloze enu namukaya Nakungumona, mwomwo Nanguya nakupwa na enu, numba muli enu, nakumakumishilo akano kaye.” Kahajino ali Kulishitu muli enu. Ove uli wakulinunga hamwe, kaha ove unapu swana na Ikiye.

¹¹⁵ Kaha kachi Ikiye apwilenga hano hamavu, chuma muka Ikiye mwakaya nakulinga? Chuma chochimwe Ikiye alingile kuze, mwomwo Ikiye youmwe zau, lelo, na hayamyaka. Ikiye kuhaka mangana kukusekasana cha Ise. Ikiye kupwa nakuka vakakuviza. Ikiye kuzata vikomwesa. Ikiye mwaya nakulinga vene muze Ikiye alingile omwo Ikiye apwilenga hano hamavu, mwomwo Ikiye hanga youmwe zau, lelo, na hayamyaka. Echi chinapu chakukupuka. Ou ukiko ulo.

¹¹⁶ Oloze, jino, ngachilihi kachi pwevo mwasomboka, mwetavila jishiko josena na vyumavimwe, kaha ikiye mweza nakupwa lunga wa lunga, kaha ikiye napu swana kuli vyosena ikiye akwechi, na vyangocho, kaha jino ikiye kuya nakupwa wakuhungumuka? Ikiye kuputuka kupwa wakuhungumuka. Ikiye kufuma mujila, kukavangiza malunga veka. Keshi ngachize kahako, oloze ikiye kuputuka kulipangila zangi naveka. Lunga na pwevo lyenyi, jishiko josena jize vakiko

vatungile, kaha jino ikiye kuya nakulovoka na kuputuka kupwa nakuyoya naveka nawa, zangi yenyi na kuzanga naveka.

117 Omu mukiko vavavulu vavuluka kupwa Vakakulishitu kulinga, kuvweluka chove na kaye: kuhema, kukina, kusekasana chawiji, kutwama hembo kufuma kukuliwana cha kulomba, kutala ha chisaji chamivwimbimbi, vyuma vyosena vya kaye vize vyambachile chihela cha zangi ya Kalunga, mumuchima wa liuka. Ikiye kya nakuhungumuka. Ikiye kupwa wakuhungumuka. Ikiye kuya nakulovoka kutonda malunga veka. Ikiye kulipangila zangi na veka. Ikiye mwaya nakumbata chamulikumi chize ikiye atela kuhana liuka; ikiye mwaya nakuchilinga vyuma vikwavo muze mukaye. Ikiye mwaya... Kachi Kalunga wa zangi mujila ikiye atela kulinga, na kuyoyela hali Kalunga, na zangi kwiza kuliuka, ove uli vene wakutela kushinjila ikiye kwiza.

118 Mwomwoika, Ngunatachikiza, hano keshi kunyima chikumako, nge—nge mukakuzata kungulweka nge ikiye atumine malombo amavulu...makati amavulu, kupwa na vathu kufwachika, nge vakiko kulishika kwiza kushikola ya Chalumingo ha tukweji vatanu naumwe mumwaka.

119 Kaha Ngwamwene kanyike wapwevo wamundende wamwaka kwishi ya pili kuze, kuze Ngunapunga nakuzata. Kaha ikiye ejile nakulovoka muze. Kaha Ngwemanyine ha chikolo, kungongomweza hachikolo, kaha ikiye ejile kuchikolo. Kaha ikiye apwile na vamwe haze hano vakakuhema juka, munatachikiza.

120 Nge eli lizavu vakiko vatelele kupwa vakukashiwa hano mu Phoenix ufuku unahichi, Ngwafwelela mukiko chapwanga, kulinga echi kuchongonona chachihya cha—cha rock and roll, mokomoko kulichongonona, kala mwaosena omwo chapwilenga, kaha vakiko kupwa na chivimbi kwiza kuli vakiko. Vamasepa vachikweze, kamweshi nakwivwishisa nge ize yinapu shipilitu ya liyavolo? Mwishu ya kufungulula, palanga vakiko vahonene kutachikiza chuma muka vakiko vapwile, muzevene mujila, kutwalilaho.

121 Nge omu vali vamwe ava vakusehesa, mokomoko vakakwimba, kaha vakuusese, kaha na vyangocho, kuya muchihela, muze mu mbongi Ngwapwilengamo. Kaha mukweze wapwevo wakalemesa kufumisa uvwalo wakwishi kaha kuumbila hakamenga, kuli uze kanyike walunga mangana akope. Enu munahono kutachikiza nge liyavolo? Eyi yinapu shipilitu ya makumbi akumakumishilo. Punduvene. Echi chinapu chasonyi. Yenu haze, kuya mukuhungumuka.

122 Ou mukweze wapwevo, ikiye ejile nakulovoka, nakutwalilaho. Ikiye katachikijileko Ngwapwile... Ngwavulyamine kwimana kuchikolo. Kaha ikiye ngwenyi, "Mamalelo, ngukonekele. Ngwavulyama ove kwimana kuze."

Kaha ikiye ambilile uze mukweze ha chisaji, kala chuma chapwile, kaha ambile ngwenyi, “Nanguya nakukuwana ove kuze ku Greenbrier Patch,” mokomoko kalachuma chapwile. Vakiko vapwilenga nakuya nakupwa na muyachi umwe wa kukina uze ufuku.

Kaha Ngwambile ngwami kuli Ndotolo. Brown, uze apwile sepa lyami.

¹²³ Ikiye ambile ngwenyi, “Chikungulwilo chove nachikwachilila kuze, Billy?”

Ambile ngwenyi, “Chamwaza.” Ngwambile ngwami, “Etu tuli nakuvahana mauundu.”

Ikiye ambile ngwenyi, “Muyachi wa maundu?”

¹²⁴ Ngwambile ngwami, “Mujimbu wamwaza. Echi punduvene cheji kulamanga vakiko kwiza lwola lwosena.” Talenu?

¹²⁵ Kaha ikiye angulwekele hali chize, kufwachika jize jishiko. Kaha Ngwambile, “Ndotolo Brown, kutala unashingayeka nge nge kuhema juka ha chisaji atela kulinga uze kanyike wapwevo kufwachika lushiko luze ikiye kupwa helu kuze nauze ufuku? Keshi vyosenako. Ikiye kupwa nge chitanda cha uvwalo ikiye kupwa, kupwa kuze.” Mwomwoika? Echi chinapu chumachimwe muli ikiye kupwa wakulinunga, shipilitu, kupwa nge chiseka cha kaye.

¹²⁶ Kaha palanga Liuka lya Kalunga wakuyoya, lize vavuluka kupwa Mwenga wa Kulishitu, kupwa lyavene kulinunga na Kalunga nge ngachize, ikiye hanga kulyalanga mukaye, mundambo ya shili, palanga ikiye ali wakulinunga na Kalunga mujila kana, palanga muchima wenyi unazale na upahu na ngolo ja Kalunga, palanga ikiye keshi kuhasa kumona chuma chekako shina Kulishitu. Echi chakwoloka.

¹²⁷ Chize chikiko etu natuya nakulinga. Ize ikiko kaha punga, chikiko kwala cha Kalunga, kulinga chuma nge ngachize. Ove kawatela kupwa wakwingisamo muuthuko. Ove watela kupwa wakusemukamo, keshi wakunyikisamo, mokopmoko kuneha mukanda kuliuka. Oloze kupwa wakusemuka mu Liuka lya Kalunga wakuyoya, ha malwola amilingu, ha ngolo ja kusanguka cha Yesu Kulishitu, echi chikiko chakulingisa ove kupwa tengeso yayihya muli Ikiye. Amena. Echi chili vene helu. Mukiko chalingile echi. Punduvene. Chosena chakwoloka.

¹²⁸ Ikiye kuya nakuhungumuka. Ikiye kuputuka kulipangila zangi naveka, vyuma vya kaye, chiseke cha kaye, kuya kuvihela vize ikiye katela kuyako, kuhanjika vyuma ikiye katela kuhanjikako.

¹²⁹ Hano lwola lumwe Ngwa...Vakiko vapwile na pwevo wakalemesa...wamuyachi wakupwa nge wahelu muliuka. Ngwapwile na chumachimwe chakulinga na chikuku cha eyi zuvo. Kaha Nangumilweka, Ngwevwile vyuma vimwe omwo

Ngwapwile mukashili, oloze, chize chinapu kuliwana cha pwevo Kanda lyehi nguvwenga usese waupi muchiyoyelo chami chosena. Munahase kushinganyeka, muthu uze vavuluka kupwa Mukakulishitu, nahase kwitavila majilo kufuma kuli vakiko?

¹³⁰ Ove kaweshi kuhasa kupwa meya ayema na amwaza kufuma mu lishima lyolimwe. Ove muhakamo mungomo muze mulishima, kaha kufumisamo wato na tumbilumbu, mukiko etu tweji kuvavulukanga. Omu ove muhakamo cheka mungomo, nauya nakuneha chumachochimwe. Lize lishima linatondeka kulisuwa, kaha lizale na meya amwaza.

¹³¹ Uze ukiko mulonga uli naliuka lelo, kwosena, nge likiko linatondeka kusuwa, kuzalisa na meya a Kalunga akujila kufuma Mwilu. Muchima wenyi kwiza nakupwa chimbwetengele cha kalachuma kwizamo. Chikiko chikwechi vamwe vazanga ngachize. Eyi Mbimbiliya yahanjika nge ikiye mwaya nakupwa. “Vakakuzanga chiseke kuhambakana vakakuzanga Kalunga, vakaukenya, vakakuvangila vakwavo, kaveshi kulyonononako, vakakusaula vaze vali vakwoloka.”

¹³² Talenu pwevo uze mweseka kuyoya mwakwoloka, lunga uze mweseka kuyoya mwakwoloka, ikiye mweza nakupwa “mukakujila wakulyalanga,” ikiye ejile nakupwa “chileya,” mokomoko chuma chimwe chamwaka. Ikiye ali wakutapula. Ikiye napu wakutoleka kaha wakukana kuli vathu va mukaye. Echi chakwoloka.

¹³³ Oloze enu mwamona lyehi chuma muka Liuka livene lyatela kulinga? Mu Tesitamende Yamwaka, omwo vakiko vapwile na—na mulambu, vakiko vajihile kajila umwe, kaha kuhaka manyinga hali umwe namukwavo, uze wakuliwana nenyi wakufwa; kaha kuhita nakuzauka hamavu, kutanduula manyinga auze wakulihata nenyi. Omwo eli Liuka kwiza nakupwa Mwenga wamwenemwene wa Yesu Kulishitu, Ikiye mwaya nakumbata Manyinga a Yesu Kulishitu na Ikiye, kumwangila ha mavu, kusanyika, “Wajila, wajila, wajila, kuli Mwata.” Kupwa chenye, kupwa chenye chosena kupwa wa Kalunga. Kulifwatula chenye kupwa cha Kalunga. Ove kaweshi kuhasa kutondeka chumako nawa.

¹³⁴ Ou ukiko mulonga vathu veji kwizanga kuliuka, nawa. Keshi kuhema makati na kuhema chawiji, kukina mu hachitamba, kupwa na kulya chachingoloshi na vyuma nge ngachize. Echi chinapu cha kaye. Kaha etu katweshi kuhasa kupezelesa na vakiko, na sonyi hali etu ha kweseka echi. Etu twatela kunangula Shipilitu Wajila, mu ngolo, na kusanguka cha Kulishitu. Etu tukwechi chumachimwe vakiko kaveshi nachoko. Echa tuyoye, keshi kweseka kukopela hanyima yavakiko. Kuyoya omu twatachikiza kupwa mwakwoloka. Kuyoyela muli Kulishitu. Yesu ambile ngwenyi, “Kachi Nanguzezula helu, Nangufumisa malunga vosena kuli Yami. Enu munapu mungwa wavakamavu.

Oloze uze mungwa unajimbalisa chize kuyema, jino kaweshi kupwa cheka wamwazako oloze navaumbila kaha kuulyatangila namahinji kuli vathu.” Maunjihu etu!

¹³⁵ Shikangaho, numba mazavu a Chipendekosita, kupwa chachipi nge omu Ngwajinda kuhanjika echi, mazavu etu a Chipendekosita kuholoka hazevene nakwingila muchumachimwe, hazevene kwingila muchuma chimwe. Kaha shikangaho vathu kuhanjika vakiko kaveshi na chuma vakiko vahanjika kupwa nacho. Eli Liuka lya chipendekosita kutambuka lyatela kupwa wakukashiwa hamwe na ngolo ja Kalunga wa Undume, palanga Chiyoyelo cha Yesu Kulishitu nachiya nakusoloka muli Echi.

¹³⁶ Oloze etu twatondo chakutalilaho hanyima ya kaye. “Etu natuya nakuchilinga, mwosena omwo.” Talenu? “Etu twatondo kupwa na jila yetu hali echi.” Oloze etu katwatela kulinga echiko. Echi chinapu chakuhenga kulinga echi. Mauka anapu kaha nge mapwevo, vanahungumuka.

¹³⁷ Chuma chatete munatachikiza, ikiye ejile nakupwa kanawa, ha kuputuka omwo Kalunga ahanyine kusemuka ku Liuka lya pendekosita, pamo fwote mokomoko fifite kunyima okwo. Ikiye ayoyele mwajila. Ikiye apwile wakujila. Ngolo ja Kalunga japwile na ikiye. Oloze omu natutwalilaho, etu kuputuka vene kukavangiza kaye.

¹³⁸ Chuma chatete munatachikiza, etu kupwa nakutungiwa nge chinapu chachinene kupwa nakuvwakuma nge Mesondisiti kuze kumbango. Etu twatela kupwa nachuma chimwe chachinene, chuma chachinene, na chuma chachinene, na chuma chachinene. Echi chinapu chasonyi. Etu vavavulu kulivwimba omu etu tukwechi. . . Va ndumbu amalunga va Chipendekosita talenu muthumwe kuze, nakutuma chachindende, mokomoko liuka lyalindende, kaha vakiko kuya nakupwa liuka lyalinene. “Etu twapandama kuliuka lyatete, mokomoko liuka lyalinene,” mokomoko chumachimwe nge ngachize; kutala hali vakiko.

¹³⁹ Chuma ove unatondo shina Shipilitu Wajila, kujilula chindende, echi chakwoloka, echa enu mutachikize lujimiko lwa muchano lwa Shipilitu Wajila kupwa na suti kuhakamo mavoko nauvwalo wakuzachisa kaha kuhanjika, “ndumbu walunga.” Hazevene. Lwola lwa ulwilo wamwaka, ngolo ja Kalunga wa Undume, eyo, mwane, kupwa na ndeleji yawanda wa silk mumavoko nakukola, kaha kuhanjika, “Ndumbu wapwevo, Ngwakuzanga ove.” Punduvene.

¹⁴⁰ Oloze etu kuputka kulovoka kuya nakaye, kufuma na kukashiwa. Liuka lyetu lili. Etu katwatela kuhanjika hali va Mesondisiti na va Mbaputishiti chekako. Echi chili etu vavene. Echi chili muchifulo chenyi. Ou ukiko mulonga Shipilitu Wajila keshi kuhasa kutambukako. Ou ukiko mulonga Nanguhanjika nge Kalunga keshi kuhasa kuhaka lushimbi Lwenyi hali

kala lizavu ufukuuno. Mwomwo, Vakamafuchi eka naeka kavambachile nge lifuchi kanako. Vakiko vapwile vathu kufuma muli Vakamafuchi eka na eka, mwomwo ya Lijina Lyenyi. Kalunga mwaya nakumbata muthu ukawenyi.

¹⁴¹ Jino, Ngwashinganyeka vikungulwilo vyetu vyeji kuzatanga mulimo wamwaza. Echi chosena chakwoloka. Oloze enu kamweshi kuhasa kukundamina hali chizeko, kuhanjika, “Yami ngumuka pendekosita, mwomwo Ngwapandama ku lizavu lya Pendekosita.” Ove unapu kapendekosita omu ove kupwa na kuhasa cha chipendekosita. Kangwalizakaminako kachi enu mwapandama kuliuka lya Katolika, enu munapu pendekosita. Enu kamweshi kuhasa kulivwasana na Pendekosita. Pendekosita chinapu kutachikiza, keshi lizavuko. Kaha echi chakwoloka.

¹⁴² Oloze etu vathu va Chipendekosita vaputukile kushinganyeka, mwomwo etu tuli na lijina lya Pendekosita, etu tunahase kuya kulutwe na kuyoya muno mukaye, kulinga kalachuma etu twatondo. Etu tuli nge nakunyina kaposhi ka Nimrod; mwaya nakupwa uto. Nge Alama kulifwika mafwo amukuyu; ikiye mwaya nakukinduluka kunyima. Nge Siegfried mumukana mu France, Zuvo yakulamina vitwa mu Germany; ikiko kuchikika.

¹⁴³ Mwomwo, kuze kakweshi kaposhi wekako, kakweshi cheka chakwimanako. “Oloze Lijina lya Mwata kupwa kaposhi waundume uze vakakwoloka veji kulahilangamo kaha navapwa vakukingiwa.” Omwo ove mulaha nakwingila Echi, ove mbata Lijina, eli Lijina; keshi kaha kusanyika Lijina ko, oloze Lijina na muthu uze ove unapu, Kulishitu kupwa nge mu chiyoyelo. Amena. Kuwaha Ikiye ali. Eyo.

¹⁴⁴ Liuka linalingi chuma chochimwe, kulinga ujila wamushipilitu, nge pwevo uze mwaya na kulipangila zangi kufuma kuli lunga lyenyi kuli lunga mukwavo. Uze pwevo keshi wakutelako kupwa wakuyoyela. Munatachikiza echi. Kaha omwo liuka naliputuka kulipangila hamwe na kaye, Kalunga napu lwiso Kalunga. Ikiye ahakile Isalele nakufumako mwomwo ya chize, kaha Mwana Neyi mwaya nakuhaka chuma chochimwe.

¹⁴⁵ Ikiye kuya nakupwa Mwenga uze keshi na mukanya muli Ikiyeko. Amena. Ikiye ali kaha wakukosa na Manyinga a Lyavene. Echi chakwoloka. Shikaho etu twamono oho etu tunemanyina, kupwa wakulizanga kwiza.

¹⁴⁶ Jino, etu tunawane nge ikiye eji kulinga ujila wamushipilitu, kuya nakulovoka na kaye, kuhanjika chumachimwe, kuyoya chumachimwe chakuhandunuka. Chize kacheshi kuzachiwako. Chuma liuka lyatela kulinga, shina kulinga nge omu alingile Esther. Esther kukana kulifwanyisa na kaye.

¹⁴⁷ Etu tunatachikiza kaze ka mukanda kakandende ka Esther, omu uze Mondekeyi...Natwenyi kmulela nge mwanenyi

wapwevo. Kaha apwile mulwola luze lwa kuyula cha va Medes na Persians. Echi chinapu vene chamwaza kuze. Uze mwangana, umwe hali vamyangana vavanene mu kaye lize likumbi, ikiye apwile na chilika chachinene. Kaha ikiye asanyikile uze mwangana wapwevo kwiza nakutwama hali ikiye, oloze ikiye kahashile kuchilingako. Ikiye akanyine kulinga echi. Shikaho chumamuka ikiye alingile? Ikiye apwile wakulikehesa, katachikijileko chumamuka chakulinga, nge pwevo lyenyi ivene kuhona kwiza.

¹⁴⁸ Ngwashinganyeka chize chinapu chosena nge Kulishitu lelo. Kulishitu natusanyika etu kutwama muvihela vya Mumelu na Ikiye, kaha etu tuli nasonyi wa echi. Vathu vavavulu vali nakwivwa sonyi kuhanjika nge vakiko vakwechi lujimiko lwa Shipilitu Wajila. Vathu va Chipendekosita, echi chakwoloka, vakiko vali nawoma kuhanjika echi. Etu tuli nakwivwa sonyi hali Ikiye.

¹⁴⁹ Kaha shikaho uze mwangana wapwevo kahashile kwizako. Ikiye akanyine kwiza. Echi chamukehesele ikiye. Meso eyi kwalumuka ngengu. Kalamuthu kuchimona.

¹⁵⁰ Ngunalikomokela kachi kumeso a Yesu kwalumuka chindende ngengu, nawa, omu Ikiye eji kutasanyikanga etu kuya nakuzata, kusanyika ha Pendekosita kutambuka cha kulikata na undumbu, kaha etu kupwa vakulivwasna nakulikwata hamwe chindende mumazavu palanga etu kuhona kupwa nge umwe namukwavo. Etu tuli ngocho, kupwa na kaye na vyuma nge ngachize, etu tuli nakwivwa sonyi ya lijina lya Pendekosita. Vathu vamwe vali nawoma kuhanjika. Kuhanjika, “Chamwaza, Ngwa—Ngwapandama ku...Yami ngumuka Kulishitu, oloze...” Ngunawahilila Ngukwechi kutachikiza cha pendekosita. Amena. Ngunawahilila kwimanyinako Lijina lya Yesu Kulishitu. Elu lunapu lusesa lwalunene Ngwapwile nalwo, kuhanjika Yami chihanda cha Ikiye.

¹⁵¹ Jino etu tunawane nge, jino, ikiyue kupwa umwe wakuhula, kuhila chumamuka ngwatela kulinga. Kaha vakiko vambile ngwavo, “Kachi echi nachiya lika ngana, vosena mapwevo kuhita mulifuchi lyosena kuya nakupwa chitalilo cha pwevo watete.”

¹⁵² Mukiko vene, mukiko chili na kusoloka ufuku uno. Ngwatalile hali ava mapwevo. Ngwafwelela Kangweshi nakukolesa kwivwa chenuko, kaha ohonyi Nangulinga, Ngwafwelela Nangulinga. Huu-hu. Chakwoloka. Kweseka kupwa echi hano chuma chatete pwevo wakalemesa, na jikambu ja meya akunwa. Kanda lyehi ngumone chuma kana muchiyoyelo chami chosena.

¹⁵³ Lize likumbi likwavo kuze kwapwilenga pwevo kwiza nakwingila muzuvo yakutulikila kuze Ngwapwile nakuvandamina ha pwevo lyami, kaha uze mutwe wauze pwevo

wapwile waunene, kaha ikiye apwile naulombo wamafwo amatamba mumeso eyi. Ngwambile ngwami, “Yako kunyima, fumbelo. Nanguya nakupwa wamwaza.” Chize chapwile chakukuma. Echi nachiya nakuvwisa woma. Chuma muka echi? Uze pwevo watete. Ali pwevo watete. Mukiko kaha. Kaha vakiko veji kumbatanga chakutalilaho.

¹⁵⁴ Kaha echa nguhanjike echi jino. Kangwahanjikile nge kuwahililako, oloze muchi chishimo, nge namuya nakumona. Chize chinapu vene nge enu vakulwane Vakakulishitu kupwa nakulimnga hali vakweze. Chili vene chakwoloka. Enu mwatelanga kupwa vakutalilaho. Enu va Pendekosita vaze valivuluka kupwa na Shipilitu Wajila, ove watela kupwa chakutalilaho va Mesondisiti, na va Mbaputishiti, Pulishiteliyani. Keshi nge pwevo watete, oloze nge Yesu ove watela kupwa. Ikiye mwakulweka ove muli *Hano* chuma muka chakulinga, mwakulingila. Etu twatela kukavangiza jishimbi Jenyi na kutalilaho. Oloze ize ikiko jila etu tunawane. Esther . . .

¹⁵⁵ Uze mwangana wapwevo, ikiye kahashile kwivwulilako kuli echi. Ikiye kahashile kwizako; amukehesele. Ngwenyi, “Kachi—kachi ou pwevo watete wa lifuchi nalitwamina chakutalilaho nge ngachize, vosena mapwevo navaya nakuchilinga. Shikaho jino omwo lunga asanyikile pwevo lyenyi, ikiye mwaya nakuhanjika ngwenyi, ‘Yako ukatumbuka mukalwiji.’” Talenu? Kanyike walunga, ikiye vene amulwekele America, kalingile ngochoko? Jino, etu tunawane nge, mukulinga ngocho, kahajino kwapwile lunga uze apwile na mangana amwe hali ikiye, ejile na punga na mwangana. Ikiye ambile ngwenyi, “Chuma chatela kumuhanga. Kaha kutuma mulifuchi, kaha kusanyika vosena vaze vajike chili, mujike wamukweze, kaha kuze kumbata ove lyavene pwevo lyove.”

¹⁵⁶ Chamwivwishile kuwaha mwangana. Shikaho ikiye kutuma, kaha ikiye kutuma vaze vangamba, na vyangocho, nge vayile nakulovoka na—na kumbata mukweze wa sanda uze ahashile, uze pwevo wamwaza kuhita mwosena muze muwangana kaha na mujimbongi nge ikiye vyakumu, uze apwilenga wamunene mukaye.

¹⁵⁷ Kaha omwo ikiye alingile, chejile kuli ou kanyike wapwevo wamundende wa Yuleya. Ikiye apwile nga wakupula, mwomwo, nge mu Kamafuchi eka nakeaka, mwamono, ikiye apwile wakupula kusali yimwe. Kaha ikiye kapwile na iseko na nayeko. Kaha Mondekayi, natwenyi kumulela. Kaha ikiye atelete kuya, mangana apwenga wakupula.

¹⁵⁸ Kaha shikaho chuma vakiko valingile, vakiko vapwilenga na kanyike wapwevo ha kutomesa hatukweji vavavulu. Vakiko vamuhakile vyalivumba kaha kulinga vyosena vyakulilenga, kaha kuvalongesa kanawa, shikaho vakiko vahashile kuya nakwimana kumeso a mwangana.

159 Jino, echi chili kaha mujila kaye kutonda kuhaka liuka lelo. Kulilenga na vyakaye; kufwanyisa na vyuma vya kaye; kweseka kupwa na mamembala vavavulu, kumbata kalachuma mu kulikata chavo. Yami! Chinapu chuma chakeke. Chikungulwilo chimwe kweseka kuveta mukwavo umwe, kumbata kalachuma mu membala. Enu munahase kuvambata vakiko muli eli lizavu, oloze vakiko kaveshi kuhasa kwiza nakwingila mukulikata cha Kulishitu palanga vakiko vanatomesa na kusemuka chachihya cha Shipilitu ya Kalunga. Ou ukiko muchano. Vakiko pamo vakwechi lijina lyavo mu mukanda hano, oloze keshi Kuzeko, ha Mukanda wa mwana Mukoko wa Kuyoya, palanga vanachisoneka na Manyinga a Mwata Yesu.

160 Mapwevo vosena, vakiko valikungulwile vavene kanawa, nakutala kanawa. Kaha, mamalelo, Ngwashinganyeka vakiko vakwechi vene kusoloka hali vakiko, pamo hanyima ya pwevo watete na vyangocho. Vakiko vakwechi vavene hamwe mwomwo vakiko vapwilenga nakuya nakusoloka kumeso a mwangana.

161 Ngwashinganyeka nge pamo chumachosena kupwa naukalu na mauka lelo. Vakiko kweseka kulilongesa vavene kanawa, nge kaye, kupwa nge kaye, vyuma nge kaye, kulinga vyuma nge kaye, kulinunga na kaye, kushinganyeka vakiko kuliwana na Mwangana. Kalunga kazakamine hali chizeko. Ikiye ajinda chize. Oloze etu twatondo kulinga nge kaye.

162 Mauka amwe etu, Ngunahanjika, echa mukeleko, kumbata mukakuzata muliuka, na vyangocho, muliuka, kaha lwola lumwe tufunga, vaze valimbachile kapapa kawana mokomoko katanu, kaha—kaha vamwe vaze veji kunwa makanya. Ngwavo, “Vakiko navaya—vakiko navaya nakupwa kuze. Vakiko navaya nakupwa kanawa.” Mbata lunga kumufumisa mu zuvo ya wala ufuku umwe, kaha muhake mukamenga ufuku naushisaho. Kangwafwelela muvyuma kanako. Ngwafwelela lunga atela kwinjikiza, echi chakwoloka, kwinjikiza. Nangumilweka, lwola lwaluvulu etu tweji kuvulukanga . . .

163 Ngwafwelela mulujimiko lwa Shipilitu Wajila. Ngwafwelela mukuhanjika mumalimi, oloze Ngwashinganyeka etu kupwa chikuma hali chize. Lunga nahase kuhanjika na malimi, kaha pwevo kuhanjika na malimi, kaha kachi chiyoyelo chenye na kuyoya chenye kuchipezalisa na malimi enu muli nakuhanjika, jino eli linapu lilimi lyakuhenga, mwomwo Shipilitu Wajila mwaya nakukulingisa ove kulinga nge Mbimbiliya. Echi nachiya nakuneha enu mu kuzalilila cha chivwuvu cha Kulishitu.

164 Ove mbata muthu uze eji kuhanjikanga na malimi, kupwa namatoto akutamo kuzunga na poko yamazozo, kaha kuhanjika hali vakulihata navo, kaha vyuma vyosena nge ngachize. Mwomwoika, ove musanyika kupwa Shipilitu Wajila? Kacheshi kuhasako. Nduma, mwane.

165 Ou Shipilitu Wajila ali kuvova, kuwahilila, kuunda, kuvandamina chikoki, kuwaha, kalemesa, kukakachila, lufwelelo. Ou Shipilitu Wajila, ou ukiko muhako wa Shipilitu, ou Shipilitu Wajila eji kusema mu Liuka lya Kalunga wakuyoya, kuyema, kaha kulinyisa, zangi umwe na mukwavo, kuvandamina chikoki.

166 Kachi ndumbu walunga nafu, kanda kumuveta ikiye mokomoko chumachimwe chikwavo. Mukavangize kaha talalenu kachi enu kumukwata munyima. Kanda kuvandamina hali mukakunangula echi linge. Ove chilinge echi, muthumwe nawa. Mukakunangula keshi kuhasa kulinga vyosenako, chipwe vakakuzata muliuka. Muthu wosena, napu membala wa ou Mujimba wa Kulishitu, atela kuya hanyima yaumwe namukwavo. Etu tukwechi...Kaha kachi etu tukwechi Shipilitu ya Kulishitu muli etu...Ikiye anangwile chishimo chachinene. Vakiko vasele nayite na naine, kaha vayile hanyima ya chize chimwe. Omu mukiko etu twatela kulinga. Oloze etu ngwetu, "Mamalelo, echa vakiko vayenga." Etu katwatela kulinga chizeko. Etu twatela kupwa wakalemesa, kukonekela, kuvandamina chikoki. Ou ukiko muhako wa Shipilitu.

167 Jino, etu kuwana etu vavene jino, nge Esther, hanyima ikiye...Vakiko kumuhaka ikiye muli chimwe vize vihela, mangana aliwahise, mangana alisolole kuli mwangana. Yami! Ikiye akanyine echi. Ikiye katondele chizeko. Ikiye atondele kuya nge omu apwile. Amena.

168 Etu tukwechi lelo nge mauka ali nakutonda kulinga nge kaye, mokomoko mwomwo etu kupwa wamunene. Kalunga ambile ngwenyi, "Lwola lumwe ikiye apwilenga wamundene, vakiko vamuzachilenga Ikiye. Oloze omwo ikiye apwile wamunene, kahajino vakiko vamuvulyamine Ikiye." Echi chakwoloka.

169 Omu etu twapwilenga na vyema kuze kulizavu kumwe, ya tungoma, kuveteka kunyima ya mavoko; kaha guitar yamwaka, kuvuma; kaha kupwa nakuliwana cha mujila, enu mwapwile vakulikehesa. Oloze omwo etu natumbata kupwa na seli mokomoko fwo miliyoni ya mandola, na vyuma vyavinene nge ngachize, jino etu natupwa vakasauthu hali chize, echi chakwoloka, kuliwahisa na kaye.

170 Ngwapwile muchihela chikwavo likumbi likwavo kuze, ndumbu walunga wamu holiness, kwapwile lizavu lya vathu kuzata hali ikiye. Kaha kachi kala pwevo kulovoka muze halwola lwa coffee, nakunwa coffee, kala pwevo muze apwile najikambu jajihi kaha kupwa na mivumbo yakukwita ulombo. Jino, enu ngwenu, "Ndumbu walunga Branham, ove kaweshi namulimo nakuhanjika echiko." Nguli nalwo. Eyi Mbimbiliya yahanjika ngocho. Echi chakwoloka.

171 Vavavulu va Chipendekosita ukwechi mapwevo vakuvwala uvalo wakupandama kuli lunga, kaha Kalunga ambile ngwenyi echi chinapu chaunyengwe kumeso Eyi. Echi chakwoloka. Nauya ngachilihi Mwilu nge ngachize? Echi chinasoloka nge Shipilitu Wajila keshi muzeko. Kachi Shipilitu Wajila apwilenga muze, Nachiya nakupaisa. Chakwoloka. Mamalelo, enu munahase kutambakana, kuhanjika na malimi, kulaha helu nahamavu, kukina mu shipilitu. Ngunamono Kuhonesa chize, kaha ma Indians, na vyuma vyosena. Chize kachalumbunukile chumako, kuvangila kuli kuyoya kunyima kuze ove uli nakuhanjika ika, ngolo ja Shipilitu Wajila, kulingisa vathu kuyoya cha ukalunga. Ou ikiye Mwenga wa Kulishitu.

172 Esther apwile nakwiza nakupwa mwenga, shikaho ikiye katondele kulilenga cha kaye. Ikiye atondele kuya nakwingila, kuli mwangana, chochimwe nge omu apwa. Ikiye alilengele lyavene nge omu atela kupwa pwevo wachipendekosita omu atela kupwa, na shipilitu wakuvova kaha wakulinyisa. Kaha omu chize kulilenga, mapwevo watete kwiza nakuhita, navyuma vyavo vyavihya nge vahavisaji vyamivwimbimbi, uze mwangana atalile hali vakiko, kaha kuvahaka mukapete na mivinyo. Oloze omu uze Esther ejile nakwingila kumeso eyi, kaha ikiye kumona chize kuyema, kulinyisa, shipilitu ya kuvova, ikiye ngwenyi, “Uze ikiye. Yako kambate muchama nakuhaka mutwe wenyi.” Mukiko kaha.

173 Echa vakiko valilenga vavene na muyachi kana wa shipilitu, keshi kaha mapwevoko, oloze na malunga, nawa, kulilenga vavene na muyachi kaha wa shipilitu. Jino ove uli nakwiza nakupwa wakulizanga ha—hakupwa Mwenga, uyema, wakalemesa. Esther atomesele muchima wenyi.

174 Kuli chikuma etu tweji kuzakaminanga, echi kusali, mamalelo, chatela kupwa na mikanya yayivulu kuyifumisa, kaha chikumanyi na *echi*, na—na kuya hali echi.

175 Hano lwola lumwe kunyima okwo, Ngwapwile ngunemana mu—mu muzuvo yakulama vyuma vyamwaka ya Tennessee. Ngwahichile hachihela chachindende, kaha kusolwesa omu apwa mujimba wamuthu. Vachihanjikile kuli muthu uze alemene nge handulendi na fifite paundi, muvitumbo kuheta ku eyite fwo ngwee. Jino, enu muli muthuumwe, keshi ngochoko, eyite fwo ngwee? Kaha mapwevo vamwe navaya, mapwevo va Chipendekosita, kuya nakuhaka faifi handulendi ya mandola ya chikovelo na kwimika mutwe helu, kachi yanokele, nayiya nakujimika, kaha vakiko kaveshi numba kupwa na eyite fwo ngwee, echi chakwoloka, mu vitumbo. Ou ukiko muchano, keshi kusehesa. Ou ukiko muchano. Eyite fwo ngwee, pamo kupwa wakutamo kukosa kumwangila liswa lya kasumbi, kaha chindende kupwa na calcium na vyangocho. Eyite fwo ngwee, enu namutala kanawa.

¹⁷⁶ Enu yenu kuzuvo yakulanjilankulya kaha namuwana... landa lilonga lyamusoji kaha nahapwa mbalawanda muukiko, ove unahase kulanjila sayimone vaze vakazuvo yakulanjila kulya.

¹⁷⁷ Oloze ove muya na kwecha liyavolo kuhaka majilo havisanji vyamivwimbimbi na makati navyuma kushikumuka hashingo yove, kaha kuvimina; kukulingisa ove kuvwala uvwalo utoma, ava mapwevo, nauvwalo wakukwata hamujimba nge chikova kushikumuka, kaha kutambuka nakuya mujila nge ngachize. Kaha kulinga munatachikiza, ndumbwami wapwevo, Kangweshi nakuhanjika nge kuseseka. Ove unahono kungwivwushisa.

¹⁷⁸ Ivwulilenu. Ngulinakuhanjika echi. Ove kalinge nge ngachize, kaha ha Likumbi lya Kusopesa ove muya nakupwa wakulavila hamwe na vakaujila. Chakwoloka. Yesu ngwenyi, "Wosena mwatala hali pwevo nakumuvwila lushiu shu nalingi nenyi ujila mukachi ka muchima wenyi." Kaha omwo uze mukashili atela kukumbulula ha kulinga ujila, ikiye hiya? Ove. Hiya achinehele? Ove. Echi chakwoloka. Kachi enu namuhaka ove lyavene kuze, kutala kumeso avathu, kupwa nge kaye na kuvwala nge kaye.

¹⁷⁹ Ngwambile ngwami lwola lumwe, kaha pwevo, Louisville, Kentucky, ikiye ngwenyi, "Chamwaza, ivwulilenu hano, Mukulwane. Branham. Nanguya nakumihana kwivwushisa hano vene!"

Ngwambile ngwami, "Eyo, mama?"

Ikiye ambile ngwenyi, "Chize chikiko kaha muyachi wa jindeleji vali nakutunga."

Ngwambile ngwami, "Vakiko veji kutunga makina akutongesa na kulanjisa vyuma."

¹⁸⁰ Echi chili mwomwo ove unatondo. Kuli chumachimwe chakuhenga muli ove. Echi chili vene chakwoloka. Ove weji kuchilinga mwomwo kupwa fwashoni. Ove weji kuchilinga mwomwo watela kuchilinga. Ove weji kuchilinga mwomwo unatondo.

¹⁸¹ Ove weji kunwa makanya mwomwo ove unatondo. Ove kawatela kulinga ngachizeko. Ngwashingtonyeka chuma chauleya Ngwamonaho lyehi chapwilenga pwevo kuya mujila, nge ove kumona kala umwe, miyawu, na aze makanya mukachi ka minwe yavo. Mwomwoika, echi chinapu chasonyi. Echi chinapu chumachamajilo chikuma kutambuka nakuhita mulifuchi, omu mandotolo na medical science kuhanjika nge yinapu kansa na vyumavimwe nawa. Kaha vakiko kunwa hali vakiko, lwola lwosena.

¹⁸² Talenu mapwevo, vatela kupwa Vakakulishitu, kulovoka kuze hachana, na kusana chakulifutula, nauvwalo wakusanyisa,

kulovoka kuze. Ngukwechi vanyike vama pwevo vavali. Kangweshi nakuhanjika nge vakiko kavatela kuchilingako. Vakiko kuhanjika nge vali nakutambula kuzuma chamusana. Vakiko kuya nakutambula kuzuma chakufuma kulimwana kachi Nguli nakuyoya. Nachiya nakupwa mwanawa *echi*. Talenu? Echi nachiya nakupwa mwana Mukulwane Branham, na lizavu *pamo* nakushimbula. Ngwafwelela echi chakuhenga.

¹⁸³ Kahajino etu tweji kulivuluka etu vavene, “Mamalelo, etu twapwa membala wa liuka lya Pendekosita.” Mamalelo, sonyi hali ove! Chakwoloka. Eli liuka lya Chipendekosita lyeji kutonda kukosa, kufuma kwosena kulutwe lwa kukinduluka, kaha kuhita helu nahamavu, kaha kukanduka handolo. Echi chakwoloka. Kaha ohonyi, muli vyosena evi, vili chamwaza etu tukwechi. Oloze chinahase . . .

¹⁸⁴ Chochimwe nge mukutungulula na mulwola lwa Joan of Arc, France atondele vakakutungulula, jino vakiko kutonda vakakutungulula kwolola vamwe wa vyuma vakiko vapwilenga kukinduluka hali chize.

¹⁸⁵ Kaha liuka lya Chipendekosita lyeji kutonda vakakutungulula. Chakwoloka. Mukiko kaha. Kukinduluka ha vyuma vize vyakuhenga, kaha kwitavila vyuma vize vyakwoloka, amena, kujimika cha Shipilitu Wajila: “Liuka kulilingisa Lyavene kupwa wakulizanga!”

¹⁸⁶ Anuka, kacheshi kuhasa kupwa . . . Ove kaweshi kuhasa kuhanjika, “Chamwaza, jino, Ngwapandama kuli *echi*, va Assemblies. Ngwapandama ku Foursquare, mokomoko Liuka lya Kalunga, mokomoko Yesu Lijina,” mokomoko—mokomoko kala vosena. Naw! Ove kaweshi kupwa hali kala wavoko.

¹⁸⁷ Kalunga kukusanyika ove nge ukawove hakapanji. Kaha echi chili enu mwatela kutomesa, mwomwo, “Ikiye ali nakumbata vathu kufuma kuli Vakamafuchi eka na eka, mwomwo ya Lijina Lyenyi, Mwenga Wenyi, va Kamafuchi eka na eka.”

¹⁸⁸ Esther kulitomesa lyavene. Ikiye kutomesa muchima wenyi. Muze mukiko ikiye alitomesele. Muze mukiko liuka lyatela kulinga: kutomesa cha muchima.

“nautomesa ngachilihi muchima wove, Ndumbu walunga Branham?”

¹⁸⁹ “‘Vakukosa na meya a Lizu,’ kuhichila mu Manyinga a Yesu Kulishitu.”

¹⁹⁰ Eyi Mbimbiliya yahanjika nge chakuhenga pwevo kulinga mujila kana, kaha malunga kulinga ngachize. Enu vosena vavali. Lunga uze mwaya nakwecha pwevo lyenyi kulovoka mujila na uselesele, na uvwalo nge ngachize, Ngukwechi kalemesa hali ikiye kupwa nge muthu. Ikiye napu mukawoma. Echi chakwoloka. Ikiye eji kumuzachisanga ikiye nge muthu

wakuzeneka kalemesa. Sonyi hali ove. Ove watela kupwa malunga.

¹⁹¹ Kaha pashita mwaya nakwecha liuka kupwa navyuma kana, chakuzeneka kutenuka kufuma mukamenga. Ikiye apwa mukawoma. Chuma etu tunatondo shina malunga, Mujimbu wamwaza, keshi nge mangulovu andundu, oloze na ngolo na kusolola cha Shipilitu Wajila, na Lizu. Eyi Mbimbiliya ngwayo vyuma kana vinahenge. Echi chakuhenga kuli vathu kulinga mujila kana, kulinga mujila kana. Chatela kuchinangula, na kuyoyela, kaha kwosena. Mokokoko, liuka linatondeka kukosa, kutomesa.

¹⁹² Esther atomesele muchima kumeso a Kalunga, kutambuka na kuvova na shipilitu yakulinyisa; eli Liuka lili nakuya nakupwa Mwenga wa Kulishitu. Jino, anuka, Esther akanyine kulilenga cha kaye. Ikiye ambachile Shipilitu mukachi ka muchima wenyi, kuya kulutwe lwa mwangana.

¹⁹³ Kaha uze pwevo lelo, eli liuka lili nakushinganyeka ikiye ali nakuya nakwingila mwomwo ikiye akwechi manambala, ikiye ali lizavu lya kuvwala kanawa, ikiye akwechi lizavu lyalinene, liuka lyalinene mumbongi, kaha vyuma nge ngachize, ove muya nakujimbalisa miliyoni milosi kachi ove mukundamina hali chize.

¹⁹⁴ Echi chinapu kuyema, muyachi, shipilitu wakuunda ku Lizu lya Kalunga, “vakukosa na meya a Lizu,” kaha eli Lizu muli enu. Lili kukosa. Amena. Eli liuka lyeji kutonda kukosa, Mujimbu wamwaza wakukosa. Echi chakwoloka. Keshi kaha chihanda chakukosa, oloze Mujimbu wamwaza wakukosa, kutomesa, “tengesoyayihya muli Kulishitu Yesu.”

¹⁹⁵ Yesu Mwenga keshi mwenga wa majiloko. Ikiye keshi kuhasa kupwa na majilo Eyi, Mwenga.

¹⁹⁶ Kachi pwevo ejile nakupwa wakusomboka, kaha ikiye asolokele nge ikiye mwaya nakulovoka mulimba lya vangulu kuze; lunga uze akwechi ulemu hali ikiye, kahashile kumumbatako. Ikiye nahase kumulingisa kupwa utoma.

¹⁹⁷ Kaha omwo eli liuka lya Kulishitu kwiza nakumbata, kushinganyeka ikiye ali nakuya muli Mwenga, na katachikijilo ka kaye kosena nakakafumisako, Mwenga wa Kulishitu keshi kupwa nge ngachizeko. Nduma, mwane.

Ngwatela kuzangula.

¹⁹⁸ Chipwe Liuka lya Kulishitu, lya Mwata Yesu Kulishitu, nge Liuka keshi nge Liuka lyakufukuluka, chipwe, na malumbu akupulijeka a vikungulwiloko. Ikiye katela kupwa membala wa chikungulwilo chachinene. Ikiye atela kupwa wakukosa na Manyinga, wakulanda na Manyinga. Keshi kuhanjika etu twapandama kuliuka lyalinene, lizavu lyalinene, mokokoko *echi*, *chize*, mokokoko *chikwavo*. Ikiye atela kupwa utoma,

wakujilika, wajila, chakuzeneka numba muhya, na Manyinga a ikiye—Mulwilo, Yesu Kulishitu.

¹⁹⁹ Nge Esther, uze Lunga wakusweka mumuchimawenyi, uze Lunga wakusweka, wakuvova kaha wautongwe na Shipilitu Ya Kalunga, mu muchima wa muthu; keshi upahu na lizavu lya kaye.

²⁰⁰ Ngunapunga lwolalwosena nakuhanjika nge kaye kumunyika; Mujimbu wamwaza kuvwakuma. Mamalelo, chinapu miliyoni milosi kulihandununa. Hollywood kumunyika; Liuka lya Kulishitu kuvwakuma na zangi, na kuvwovuwa, na kuyema, muyachi kana. Echi chakwoloka.

²⁰¹ Esther katondele kulilenga lyavene na kuvwala chakutonako cha kaye. Chize kacheshi kuhasa kusoloka nge pwevo lya mwangana.

²⁰² Kaha etu, kutonda kupwa nge kaye, kaha kusoloka nge Pwevo lya Lunga Wakujila? Etu, nge Liuka lya Kalunga wakuyoya, kulilenga etu vavene na vyuma vya mukaye, kaha jino kutala nge Pwevo lya Lunga Wakujila? Kumana echi nachisoloka kupwa chakutambo?

²⁰³ Kachi enu namumona muthu lelo, uze atela kupwa muthu wakujila; hano ejile na pwevo lyenyi hamavu, nge pwevo watete, umwe wa ava vavanene veji kulinganga jikambu nge *ngachize*; kaha vyuma vichila kusali yikwavo, kaha vyuma vya mafwo amatamba kusali yikwavo, kaha—kaha kutala nge ikiye napunga wakuveta mukanwa na mukumbo waulombo; kaha vyosena vyuma vyamuyachi nge *ngachize*, kutambuka nakushikumuka mujila, mutuuvwalo twatundende nge *ngachize*; kaha tukukunya *helu* chikuma, kupijisa nakuya, nakupichangila kuya mujila; kaha kuhanjika, “Uze ikiye pwevo lya muthu wakujila?” Kangweshi nakuhanjika usese chikumako. Nguli kaha nakuhanjikiso.

²⁰⁴ Ngwejile kuli umwe wa Pendekosita wamunene kutambuka, hano keshi kunyima chikumako. Ngwapwile na mbalaka yakutwama. Kaha kafunga ahanjikile kuli yami, ngwenyi, “Pwevo lyami napu mukakwimba kalyalya.”

Ngwambile ngwami, “Chize chamwaza, ndumbu walunga.”

“Ove wahakako muchima mukwimba chenyi?”

Ngwambile ngwami, “Nduma. Nduma, mwane. Pundu kangweshi kuhasako.”

²⁰⁵ Kaha ikiye ayile fumbelo. Fumbelo ngwenyi, Ndumbu walunga Baxter, ambile ngwenyi, “Chize chosena chakwoloka.”

²⁰⁶ Ikiye ngwenyi, “Ndumbu walunga Branham, twaya kuno. Ngwatondo ove kuliwana na pwevo lyami.” Kaha Ngwayile kuze.

²⁰⁷ Mwane ngukonekelenu. Talenu? Kangweshi nakweseka, kutulingisa etu kupwa na—na kuhanjika. Nguli nakweseka kuhanjika mujimbu. Talenu?

²⁰⁸ Kaha uze pwevo apwile navwala vyakukwita ulombo. Ngunahono kutachikiza nomu. Vize vyuma, munatachikiza, vyosena vyakukwita, kaha kanda lyehi ngumone vyuma kana muchiyoyelo chami; kaha ndeleji ize yapwile mujila mbwe na *hano*, chanyima chauchiko, kaha nachakwishi chauchiko. Kaha Kangwa—Kanda lyehi ngumone chuma kana kusoloka muchiyoyelo chami. Kaha ikiye apwile navingelengele kumatwitwi vyavinene kusukama mbwe nge *ngachize*, kaha na vyosena vya ngachize kuvwala.

²⁰⁹ Kaha Ngwatalile nakujujuluka. Ngwashinganyekele, “Mamalelo, yami!” Yami ngumuka Mbaputishiti, kaha Ngwatachikiza kanawa kuhambakana chize. Ngwatalile cheka. Ngwambile ngwami. . .

²¹⁰ Jino, mwane, echi kacheshi chauseseke. Oloze Ngwatela kuhanjika echi kuli ndumbu walunga, kaha Ngwafwelela echi chamukafwile ikiye. Keshi kuhanjika echi kupwa chakuhandunuka; kachi Ngwalingile, Ngwapwile mukakulyonga, talenu, atondele kupwa wakukosa, yami lyavene.

Ngwambile ngwami, “Mukulwane, ove wahanjikanga pwevo lyove kupwa mukakujila?”

Ambile ngwenyi, “Mamalelo, eyo.”

²¹¹ Ngwambile ngwami, “Ikiye alinakusoloka nge keshiko, kuli yami.” Ngwambile ngwami, “Kanda—Kanda lyehi ngumone kumona chamuyachi ngana muchiyoyelo chami, nge pwevo lya mukakuzata muliuka. Chize kachasoloka nge pwevo lya muthu wakujila ko.”

²¹² Kaha chipwe liuka lya Kalunga wakuyoya, kukundamina hakuwala chenyi, numba ha kuliwana cha kunwa tea, na kuliwana cha viseke, na kuhema cha makati, na kukinakina, na vyausekeseke, kulilenga vavene nge ngachize, na kaye, kusoloka nge Mwenga wa Shipilitu Wajila. Ohonyi ikiye kunwa makanya, na kukinakina, na viwanyino, na kulya chachingoloshi chakusoji, na kunwa wala, kaha vosena nge ngachize, kaha kuhanjika vakiko vapwa Mwenga wa Kulishitu? Kawasoloka nge Pwevo lya muthu Wajila, kuli yamiko. Nduma, mwane. Ikiye keshi kuhasa kusakula chuma kanako. Ikiye mwaya nakumbata pwevo uze apwile wakwoloka, kusoloka nge muze Ikiye apwilenga nakweseka kwimanyinako. Ngwafwelela ou unapu muchano. Echi chinahase kulemeka chindende.

²¹³ Mama yami wakashinakaji wakusango wakuya. Omwo Ngwapwile kanyike walunga wamundende, etu twapwilenga na. . .Kapwile nachuma chakulyako, chipwe chimweko, kaha etu twapwilenga na makunde alanda na mbolo yamanona. Ngunahono kutachikiza nge enu mwatachikiza nge enu mwavijiva mokomoko chiku. Shikaho etu katweshi na. . .Ikiye kapwile na majiko mwaka wosena, kaha etu twapwilenga

nakumbata chikakango chachinene nge *ngachize*, kaha kuhakaho nyama ya chilambu hachikiko. Etu kupwa kuze vakiko veji kuvatwilanga, mokomoko kuvinjihilo kuze vali nakuteta nyama kaha navatuhana chilambu. Kaha etu kupapula, kaha kwandako chize chazatuzatu, kaha kuhingununa haze.

²¹⁴ Kala Sateli na ufuku, mama ambilenga ngwenyi etu twatondeka kunwa maji amono. Kaha Ngwa—Ngwahonenenga kwimana kuchuma kana. Kaha Ngwanwinenga. Nanguya kuli ikiye, kukwata muzulu wami nge *ngana*. Nangwamba ngwami, “Mama, Ngwa—Kangweshi kuhasa kuchimbatako.” Ngwambile ngwami, “Echi cheji kungulingisa yami kuviza.”

Ikiye ngwenyi, “Kachi echi kacheshi kukulingisa ove kuvizako, kaha echi kacheshi kukulingisa ove kupwa wakulikangulako.”

²¹⁵ Shikaho Ngwashinganyeka ize ikiko jila na kunangula Mujimbu wamwaza. Kachi Echi kacheshi kukusungako chindende, mbata yove...kwivwa kunyota cha mushipilitu hazeveneko, kukulinga ove kuviza chindende, lipezelesa ovelyavene na Mbimbiliya: talenu kachi nge matoto amwaka, na lwiso, kuzeneka kumukomoka kalunga, zangi ya kaye, chisaji chamivwimbimbi, na vyuma vya ufuku; kaha kuseza liuka uwamupolongwa, kaha kukula pimbi. Ohonyi, ove watelanga kupwa kuze nge Yesu, ove ukwechi Shipilitu Yenye muli ove, kweseka kumbata kalamuthu muno mulifuchi kwiza kuliuka, nakutambula Kulishitu. Kaha etu tweji kulivuluka etu vavene jino kupwa Mwenga wa Kulishitu? Mamalelo, chuma kana, sepa!

²¹⁶ Luze lwola luneza. “Mwenga Wenyi nalilingisa Lyavene kupwa wakulizanga.” Mamalelo! “Alilingishile Lyavene kupwa wakulizanga.” Ikiye atulikilenga vyosena kusali. Anuka, Esther apwile wakusakula, kaha veka vavakanyine. Kaha vaze vanasemuka chachihya, vaze vakwechi Shipilitu ya Kalunga, navaya nakupwa Vakusakula lize Likumbi, uze muchama wa upahu nauya navakauhaka ha mutwe Wenyi. Kaha veka navakaya nakuvahunga.

²¹⁷ Echa ngumilweke chuma chachindende chasolokele. Nguli—Nguli, Ngwapwa kamishonali, nge omu munatachikiza, kulinga kwambulula mujimbu wamwaza, kuzata cha mukakwambulula mujimbu wamwaza, ha jiola jitanu najivali, kujinguluka kaye. Hano, keshi kunyima chikumako, mu mbongi ya Loma, Loma yapwa mbongi yayinene ya vathu. Kaha vakiko vapwile na shikola ya kulilongesa, kaha vetu vakweze vaka America vayilenga kuze hamwaka hamwaka, kupwa ha mwaka mokomoko yivali kulilongesa, mwakukwichila ulombo vifwanyisa. Kuze kwapwilenga lizavu lya vakweze vaka America vejile kuze, myaka yayindende okwo, nge omu yahanjika

mujimbu omu vawambulwile kuli yami. Kaha omu vakiko vayile kuze, vakiko vejile nakupwa vakuwahilila chikuma. Omwo vakiko vapwile mu Loma, vakiko veji kulinga nge omu va Loma veji kulinganga: kulovoka na kunwa, na kulizula vavene, kaha vyumavyosena nawa, kaha kutwalilaho, vanyike vamaunga na vamaupwevo.

²¹⁸ Kaha kuze kwapwilenga shikola yimwe. Kaha muli ize shikola, eli—eli lizavu lya kweze vaka America kwiza kuze. Kaha umwe wosena muli vakiko, vosena, valingilenga chumachochimwe. Oloze kanyike umwe wapwevo, ikiye kachilingilengako, numba kuchilingako. Ikiye atwaminenga. Ha lwola lwaufuku, ikiye atangilenga shimbu vakiko vapwilenga nakunwa. Lwola lwamusana, ikiye azachile, nakutanga. Chamwaza, ikiye apwilenga wakakuseha ku shikola yosena. Kaha ikiye alilamine lyavene nge pwevo wakalemesa, kulisolola lyavene nge pwevo wakalemesa. Chipwe kwapwile vakweze vamaunga vamu Loma na vyuma vyeka kumujinguluka, kweseka kumumbata kachi vayenga nenyi, ikiye akanyinenga. Nduma, mwane. Ikiye atwamine nakulinangula chenyi, kulinangula mwakufunjikila, kaha kukwita ulombo, pamo. Kaha ikiye atwaminenga na chize.

²¹⁹ Makumishilo, umwe kashinakaji mwenya chize chihela atwalilengaho kumutala ikiye, kumona apwile umwe wakuhandunuka, chipwethuhu ikiye apwilenga muka Katolika ya mu Loma, atwalilenga kumutala, omwo ikiye alingilenga lyavene. Chingoloshi chimwe, ou mukweze wapwevo, muze mumwe muze—muze mwapwilenga wakuhanjikila, mwomwoika, mokomoko chihela kuze vakiko vapwilenga na shikola, ikiye kutambuka kulovoka kufuma muchipango, kaha kulovoka kutala helu lya pili, kaha likumbi kulauka. Kaha ikiye apwilenga nemana haze, na kuwaha, kumeso kutoma, kaha jikambu mbwembwele, kutala kuzawisa *haze* kutwala kukulauka cha likumbi.

²²⁰ Uze mwenya shikola apwilenga nakukomba muze muchipango. Ikiye atwalileho kutala hali uze kanyike wapwevo shimbu apwile nakukomba. Chumachimwe chatwalileho kumulweka ikiye, “Yako, uhanjike kuli ikiye.” Shikaho ikiye atulikile hala yenyi hamavu, kufumisa litepa lyenyi lyasenge, atambukile nakuya kuli uze mukweze wapwevo wakalemesa. Kukohola nge kuwahisa hamuliu wenyi. Uze kanyike alumukile. Ikiye ambile ngwenyi, “Ngukonekeleko, mujike.”

Ikiye ambile ngwenyi, “Eyo, mwane. Punduvene.”

²²¹ Kaha ikiye atalishile ikiye apwilenga nakulila. Ohonyi vosena vanalimwange haufuku uze. Ikiye ambile ngwenyi, “Mama, Ngwafwelela nge enu namunguvwishisa yami mujila ya kwoloka, nge Yami nanguya nakuhanjika nayove.” Ngwenyi, “Ove unapunga kuno, myaka ivali jino. Kaha Ngunapunga

nakutala ha lizavu wejile nalyo, kutwalilaho kulovoka kuya muviwanyino, kaha kwiza mulwola lwosena ufuku wosena, napende, na kuvwala chimbwa chavo, na vyuma vyosena. Oloze Ngwamona nge ove kawaya kuviwanyino kanako.” Kaha ambile ngwenyi, “Ngwa—Ngwamona, kusoloka, nge ove lwola lwosena kutala kusali ya kalungalwiji. Ha chingoloshi ha chingoloshi, ove kutambuka nakwiza hano, kaha kwimana hano hachingoloshi hachingoloshi, kaha kutala kulauka cha likumbi.” Kaha ambile ngwenyi, “Chumamuka, chumamuka cheji kukulingisanga ngachize?” Ambile ngwenyi, “Yami ngu muthu wamukulwane. Kaha Nguli—Nguli wakuwahilila kutachikiza chuma muka chaneha echi chihandwa mukachi kenu na veka nawa.”

²²² Ikiye ambile ngwenyi, “Eyo, mwane.” Ikiye ambile ngwenyi, “Mwane, Nguli nakutala kwimbo omwo likumbi nalilauka.” Ikiye ambile ngwenyi, “Kusali, kuhambakana lize likumbi kuze kulifuchi lyami.” Kaha ikiye ambile ngwenyi, “Muli lize lifuchi muli litungu yimwe. Kaha muli lize litungu muli mbongi yimwe. Kaha muli ize mbongi yimwe muli zuvo yimwe. Kaha muli ize zuvo muli umwe kanyike walunga.” Ambile ngwenyi, “Ikiye, nawa, mukakufunda. Omwo Ngwafumine kuze, nakwiza kuno, Ngwamushikile zangi yami kuli ikiye. Etu twalihuhwa umwe namukwavo.”

²²³ Kaha ikiye ambile ngwenyi, “Chipwethuhu kala chuma vekwetu veka navalinga ika, vize kavyeshi nachuma chakulinga nayamiko.” Ikiye ambile ngwenyi, “Ngwamushikile kuyoya mumuchano na chakwoloka.” Kaha ikiye ambile ngwenyi, “Nguli nakutalilila likumbi lize omwo Nguli nakwivwa amilyavene helu lya mavava ize ndeke yayinene ize nayikangutwala kusali ya kalungalwiji nakungushikumwisa muchivaza kuze natukaya nakuliwana. Ikiye ali nakutunga limbo, kaha etu natuya nakuyoya hamwe muze mulifuchi.”

²²⁴ Kaha ambile ngwenyi, “Ou ukiko mulonga Ngweji kuzatanga mujila Ngweji kulinganga. Yami nguli wamuchano kulushiko luze Ngwashikile kanyike walunga. Kaha ikiye napu wamuchano kulushiko luze twalishikile na yami.” Ambile ngwenyi, “Ngunevwu kufuma muli ikiye, jino kaha jino, kaha Ngwamusonekelele kuli ikiye, kaha,” ambile ngwenyi, “katalisa na umwe namukwavo. Etu hanga tuli kukwachilila jishiko jetu, kuvandamina ha likumbi etu natukaliwana.”

²²⁵ Mamalelo, omu chize nachilingika kuli Vakakulishitu vamwenemwene, kufuma kuvyuma vya kaye. Kaha likumbi limwe, ove muhanjika ha kwiza nakwingila mu wongo, hali mavava a Katela! Ikiye ali nakwijila Mwenga, umwe uze keshi nakulinga uleya na kaye mokomoko na vyuma vya kaye. Ikiye napu wakukosa mu Manyinga a mwana Mukoko. Ikiye alishikile na Ikiye—Ikiye amuzanga Ikiye kaha. Zangi ya kaye nayi na kufwa kuli Ikiye. “Kumbachisa cha Mwana Mukoko neza,

kaha Mwenga Wenyi alilingishile Lyavene kupwa wakuliwahisa lyehi.”

Echa tushinganyeke echi shimbu etu twanongama mitwe yetu tando yayindende.

²²⁶ Likumbi limwe, omu Ngwatalile kulutwe kutwala mumusana, Nguli nawa, mwahichi myaka seti wani, kutunga kulishika kuli Umwe uze Ngwazangile, zangi yami yosena kuli Ikiye. Ngunapunga lwola lwosena kweseka kumukwata Ikiye na Lizu Lyenyi, kwosena Nanguya. Ngunatachikiza kuli vavavulu veka vanatwame hano, nge ngachize, kuvandamina hali lize likumbi lize omu ize mbopolo ya Zion kwiza nakwingila muchau, mbata myono yetu na kumbata etu Kumeso a Ikiye Uze etu twazanga na kulishika chetu.

²²⁷ Kuliko pamo vamwe ufukuuno, vase kanda valishike. Kuliko pamo vamwe valishika kaha valuhokwele. Kachi ove uli muli eyi seteko ufukuuno, sepa, mwomwoika ove unahonene kukinduluka ufukuuno na kutungulula lushiko lwove? Kachi ove kaweshi, kuchilingako echi. Mwomwoika ove unahonene kwiza na kuchilinga echi ufukuuno? Hanjika, “Mwata Yesu, Ngwakuzanga Ove.”

²²⁸ Anuka, kachi ove unalishiki lyehi, kaha hanga uli nakujingajala na vyuma vya kaye, Yesu mwaya nakupwa na mwenga nge ngachize. Ikiye mwaya keshi nakupwa na umwe uze ali muujilako. Zangi yove yosena yatela kupwa kuli Ikiye. Kaha kachi ove muzanga vyuma vya kaye, kaha kutambuka cha kaye, chamwaza kuhambakana ove wamuzanga Kalunga, kahajino ove kawalilingishile ove lyavene kupwa wakulizanga.

²²⁹ Ou muthu ali muno ufuku uno, shimbu tuli na mitwe yetu yakunongama, nahase kuzundula livoko lyove, nakuhanjika, “Ndumbu walunga Branham, ngulombeleko. Ngwatondo kupwa mujila kana. Ngwa—Ngwatondo kupwa chihanda cha Mwenga. Kaha Ngunatachikiza Nguli nakulinga vyuma vize Kangwatela kulingako. Ngulombeleko”? Kalunga akukisule, ndumbu wapwevo wa Indian. Kalunga akukisule, ndumbu wapwevo. Kaha ove, ndumbwami walunga. Kaha ove, ndumbu walunga. Kalamuthu weka? Katula livoko lyove, hanjika, “Ngulombeleko, Ndumbu walunga Branham. Ngwa—Ngwa—Ngwa—Ngwatachikiza Kangweshi kanawako.”

²³⁰ Jino pwenu vakushishika na ove lyavene. Tala kunyima ha chiyoyelo chove. Ove watela kutala kunyima shimbu kanda ove ukinduluke. Tala chumamuka ove unalingi. Tala shipilitu muka ove ukwechi yinakulingisa ove kulinga omu uli nakulinga. Kachi ove kaweshi. . . Kachi ove muvilika kupwa Mukakulishitu, kaha hanga ove uchili na vyuma vya mukaye, ndumbu walunga, ndumbu wapwevo, nauya ngachilihi nakupwa kapuputa kachi ove kaweshi nakumona nge ove unapu wakupwenda?

²³¹ Muthuumwe ambile ngwenyi likumbi likwavo, ambile ngwenyi, “Ndumbu walunga Branham, ove watela kuseza vathu nge ngachize.” Ambile ngwenyi, “Vathu veji kukuvuluka ove kupwa kapolofweto.”

Ngwambile ngwami, “Yami kangweshi ngukapolofwetoko.”

²³² Ambile ngwenyi, “Oloze vathu veji kukushinganyeka ove kupwa. Ove watela kupwa nakunangula ava mapwevo. Kamangana ove uvalweze kuvwala kambu jajisuku na muyachi wauvwalo na vyuma nge ngachize, ove watela kuvalweza mwakutambwila vyuma vyamushipilitu.”

²³³ Ngwambile ngwami, “Nanguya ngachilihi Nakunanagula algebra, nge vakiko kavajiva AEI, ize longeso yatete? Kaveshi bakuvwala mwakalemesako na kupwa kutomesa vaveneko, kulivuluka, ‘Uze Mwenga wa Kulishitu!’” Kangweshi nakuhanjika nge kuyengetesa. Nguli nakuhanjika na zangi yaukalunga.

²³⁴ Nge omu Ngwahanjikanga echi chimene, kachi Ngunamono enu kuya nakushikumuka mukalwji mu wato, kaha kumona ove uli nakuya nakuholokela mupola, uze wato kaweshi kuhasa kumbata echiko, yami kutambakana hali ove na kutambakana hali ove, Kangweshi nakweseka kukukolesako. Ngwakuzanga. Mwomwo, kachi ove kaweshi, chiyoyelo chove nachiya nakujimbala.

²³⁵ Kuliko umwe mukwavo, katula mavoko avo shimbu kanda etu tulombe? Ngwakumono ove, kunyima okwo. Kalunga akukisule, kaha ove, ove. Ove unatachikiza chiyoyelo chove chinasoloka nge ove unahenge. Ove hanga muzanga kaye kuhambakana Kalunga, kahajino kuli chuma chimwe chakuhenga kumwe. Tala hali ove. Muze mukapete kahelu, zundula livoko lyove, hanjika, “Ngulombeleko, Ndumbu walunga Branham.” Kalunga akukisule. Kalunga...Echi chakwoloka. Mukushishika na kuwaha, Ngwa—Ngwakumbwa kushishika.

²³⁶ Ou ukiko ukalu na liuka lya Chipendekosita lelo. Etu katweshi na kushishika chiveneko etu twapwilenga nacho. Etu katweshi na ngolo ja—ja kwiza nakuhanjika echi, itavila etu kupwa vakuhenga. Ou liyavolo nahake echi kaha mu liuka palanga lili nakulyalanga mundambo ya kaye. Kanda kulinga ngachizeko.

²³⁷ Chiyoyelo chove kwinjikiza nge ove kaweshi kupwa nachuma ove uli nakuhanjika kupwa nacho. Jino mwomwoika unahonene kulikonekela? “Wosena mwaya nakwitavila shili jenyi navaya nakujikonekela: wosena mwasweka shili jenyi keshi kukafukilako.” Ove kaweshi kuhasa kuswekako. Kalunga atachikiza vyosena hali echi. Kaha kachi ove mumona kaha kutachikiza nge ove kaweshi kuyoyako, kahajino mwomwoika

kuhona kwitavila echi, kaha kulovoka na kwecha kupwa hatoma?

²³⁸ “Vathu vamwe jishili kulivanga kulutwe lwavo; jimwe kukavangiza.” Echa jami jilivange. Echa ngwambulule jami hano vene jino. Echa Kalunga apwenga wakwoloka. Omu mukiko etu twatela kulinga.

²³⁹ Kunapunga pamo sikisi mokomoko mavoko eyiti anazunduka helu. Haze vene kuhambakana chize muliuka lyalindende, ufukuuno, vathu handulendi mokomoko vathu vavali hano, mokomoko pamo handulendi na fifite. Kalunga akukisule, mukweze walunga. Jino, Kalunga akukisule, pwevo wakalemesa. Kalunga akukisule, ndumbu wapwevo. Echi chakwoloka. Kalunga akukisule, mwana walunga. Echi chamwaza.

²⁴⁰ [Ha tepu hapimbi—Muka.]...-ha pwevo kavamuvatwileko jikambu javo, oloze vakiko veji kuchilinga lelo. Chasolokele ngachilihi? Vakiko kavapwilenga na...kuvwala—kuvwala vyakulinga. Mama yove kalingileko ngachize, kachibikiye apwile kapendekosita. Chumamuka chinasoloka lelo? Mwomwo vakiko vali nakulyalanga muvyuma vya kaye. Kaha kaye kali nakutala kuli etu. Etu tweji kuvulukanga kupwa Liuka lya kujila. Ukalu ulihali? Etu katwasoloka nge Mwenga wa Kulishitu ko. Hali enu malunga okwo, chuma chochimwe. Ndumbu walunga, sonyi hali ove.

²⁴¹ Tata wa Mwilu, omwo Nangutala kusali, na kusanyika kukamenga mujila kana nge ngachize, kutenukila, kupula, kusoloka nge chaukenya. Oloze mukachi kami kali nakuhita manyinga, omwo Ngunatachikiza etu tuli nakupandama kumakumishilo. Aze mato amandende kuya nakuhokoka, likumbi limwe. Kufwa kuya nakwiza, kaha kupindasana. Kaha kapapa kangahi Vangusanyika kusali yavo, na kwivwa vakiko ngwavo, “Mamalelo, Ndumbu walunga Branham, kachi Nanguhasa kaha kuyoya cheka.” Kahajino, shimbu ava vali vakutela, Mwata, kuchilingisa kupwa chakwoloka!

²⁴² Nguli nakweseka mwami mwosena. Kalunga, echa Shipilitu Wajila kusolola echi kuli vathu, nge Nguli kaha nakweseka kuvakafwa, keshi kuvavatulako. Oloze, nge omu Paulu ahanjikile, wa mwaka! Kalunga, Kangwazangile vakiko kuvakolesako, oloze Ngwatondo kuvakolesako chikuma nge vakiko navaya nakumona okwo vakiko vali vakuhenga.

²⁴³ Ngwalombo nge Ove uyenga nakutuhana, ufukuuno, ava vathu, vaze veji kuzundula mavoko avo, na—na kalemesa ku—kutachikiza, kumeso a Kalunga, nge vakiko vali vakuhenga, kaha vakiko vanatondo kupwa chakwoloka. “Tonda, kaha enu namuya nakuwana. Ngongomwezenu, navakamisokolwela.” Oloze kachi ove kaweshi kuhasa kungongomwezako, kaha Ikiye

mwaya nakusokoloka ngachilihi? Ove kawatondeleko, nauya nakuwana ngachilihi?

²⁴⁴ Echa Shipilitu Wajila, Mwata, anehe ava vathu kukulihana kuli Kalunga, ufukuuno. Echa Tata wamunene wa Mwata Yesu Kulishitu avajilike, mwono, mujimba, na shipilitu, na kuvahaka mu Mujimba wa Mwata Yesu Kulishitu. “Mwomwo kumbachisa cha mwana Mukoko chili kulivoko, kaha Mwenga Wenyi alilingishile Lyavene kupwa wakulizanga.” Ove Mwata, echa ou upwenga ufuku wakuliwahisa, mwomwo hamene pamo likumbi naliya nakuliwana na Ikiye. Etu tunahono kutachikiza ola muka etu natuya nakumusanyika kuliwana na Ikiye. Tuhanecho echi, Mwata.

²⁴⁵ Jino shimbu Nguli nakulomba, kaha enu mukwechi mitwe yenu. Enu vosena katulenu mavoko enu, kachi enu namupwa wakushishika kufuma kwishi ya muchima na echi, kaha enu mukiko vene mwatwale, kaha ove kaweshi na sonyiko kwecha vathu kutachikiza nge ove unapu wakuhenga! Ove uli nakuya nakwimana na vakiko kuze ku Kusopesa, mwosena omwo. Kaha Kalunga nahake kukunyuka hali ove, nge ove unatachikiza nge ove unahenge.

²⁴⁶ Hano lwola lumwe kunyima okwo, Ngwapwile nakunangula chumachimwe nge ngachize. Ngwahanjikile kuli mukweze wapwevo wakalemesa kwimana kunyima kuze. Ikiye asolokele kunyengetela, mwana wapwevo. Kaha ikiye aliwanyine na yami kuweluka wa liuka, kaha kachi ikiye kahashile kungu kufutula yamiko! Ikiye ambile ngwenyi, “Enu vyuma vya kuhina kutachikiza.” Wamundende, sassy, wamivumbo yakukwita ulombo; wamwihi, jikambu jakuteula. Ikiye ambile ngwenyi, “Kachi Ngwatondo muthuumwe kuhanjika kuli yami hali echi, Nanguya nakumbata muthuumwe uze akwechi mangana.” Ambile ngwenyi, “Kanda ove mukeza mukamenga ka Tatako na kjunangula chuma nge ngachize cheka.”

²⁴⁷ Ngwambile ngwami, “Ove unalumbununa kungulweka yami, iso, mukakunangula wamwaza wa Mbaputishiti nge omu ikiye ali, kaha kahashile kunangula hali chizeko?”

Ikiye ambile ngwenyi, “Ikiye kakusanyikangako ove kwiza kuno. . .”

Ambile ngwenyi, “Ikiye kangukumbulwileko, mwosena. Ngwejile ha kungusanyika.”

Ikiye ambile ngwenyi, “Kangweshi kumikonekela enu hali echiko.”

²⁴⁸ Ngwambile ngwami, “Chize chili kuli ove. Ngweji kukavangiza Mujimbu wamwaza.” Viputa vya Losa yili nakuhuhwa muze na peho yayindende. Mukweze wapwevo wamundende.

249 Kulutwe chindende, pamo mwahichile mwaka, Ngwahichile muze mumbongi. Ngwamwene uze mukweze wapwevo wakalemesa na vifunga vyenyi kusukama, kunwa makanya, kuya nakushikumuka mujila. Ngwashingtonyekele, “Uze ikiye pwevo lya Ndumbu walunga *Munganji mukananga*, mokomoko, mwanenyi wapwevo.” Ngwatambukile nakuya mujila, talenu nge kachi Kangweshi kuhasa kuya kuli ikiyeko.

250 Ikiye atalile hali yami, kunwa makanya, kufutumwina kuhichila mumazulu. Ikiye ambile ngwenyi, “Mwoyo, mukakunangula,” nahanjikiso yakuzeneka kumukomoka kalunga, nge ngachize.

Ngwambile ngwami, “Chamwaza, chamwaza!”

Ambile ngwenyi, “Nwakoko kumakanya ami. Pwako lunga.”

Ambile ngwenyi, “Ove kaweshi nasonyi hali ove lyaveneko?”

251 Ikiye anonele kamukanda kakandende, ambile ngwenyi, “Jino tambula likanya eli.”

252 Ngwambile ngwami, “Sonyi hali ove. Sonyi hali ove, kuhana ngamba ya Kalunga likanya.”

Ikiye ambile ngwenyi, “Kaha nwakomo mumutumwa wami.”

Ngwambile ngwami, “Mwane kanda kuhanjika echiko.”

253 Ngwatalile hali ikiye. Kangwawashile kuhona kulilako, mwomwo ise apwa muthu wamwaza. Ngwatalile hali ikiye. Ngwashingtonyekele, “Mamaah, yami! Ikiye ashinganyekele nge apwile na lwola lwaluvulu.”

254 Ngwaputukile kutambuka nakuya. Kangweshi kuhasa kulama masoji mumeso amiko. Ngwatambukile nakuya. Ikiye ngwenyi, “Vandamina munyutu kaha.”

Ngwambile ngwami, “Eyo, mama?”

255 Ikiye atambukile nakukinduluka. Chasolokele nge chasonyi kupwa nakuhanjika naikiye muze mujila, oho vathu valinakuhita. Ikiye atambukile nakuya. Ikiye ambile ngwenyi, “Unatachikiza chuma ove wangulwekele uze ufuku?”

Ngwambile ngwami, “Nanguya lwola lwosena nakwanuka.”

256 Ambile ngwenyi, “Ngwatondo kukulweka ove, mukakunangula, ove wapwile wakwoloka.” Ikiye ambile ngwenyi, “Ngwanyengetesele Shipilitu Wajila lwola lwa kumakumishilo.” Jino, yino ikiko chuma uze pwevo ahanjikile kuli yami, kaha Kangweshi kachivulyamako, kachi nge Nanguyoya lika. Ikiye ambile ngwenyi, “Ikiye apwilenga nakuzata na yami uze ufuku. Oloze,” ambile ngwenyi, “omwo Ngwamukanyine Ikiye luze lwola, lwapwile makumishilo ami.” Ambile ngwenyi, “Muchima wami unapunga waukalu; Kangwalizakamina cheka hali Kalunga, liuka, mokomoko chuma cheka. Ngunashingi tata yami, hakumbi hakumbi.” Kaha ikiye ambile ngwenyi, “Nguli nakumona mwono wamama

kuwema muhetese, nge chitumbuwa, kaha asehele hali chize.” Echi chili chakunyendetesa Shipilitu Wajila lwola lwamakumishilo. Shinganyeka hali echi.

²⁵⁷ Echa tuyenu Kwimbo hali mavava a Katela. Echa tupwenga Mwenga. Katuka kufuma muchitwamo chove jino, kachi ove unahenge. Twaya kuno. Imana hano hakamenga na kuhanjika, “Ngunapunga wakuhenga. Ndumbu walunga Branham, Ngukwechi matoto. Mokomoko, Ngwa—Ngwa—Ngwayoya chakuzeneka kumukomoka kalunga. Ngwa—Kangwatela kulinga vyuma vize Ngweji kulinganga. Ndumbu walunga Branham, Ngunalingi *echi, chize*, mokomoko chize *chikwavo*. Nguli namulonga wa kwonga. Nguli namulonga wa kwiva. Nguli namulonga wa chumachimwe. Kangwazachilile Kalunga mujila Ngwatela, kaha Ngunevu sonyi amilyavene, kaha Ngwatondo chiyoyelo chami kupwa chakwoloka. Kaweshi kuhasa kungulombelako ufukuuno, Ndumbu walunga Branham?” Nanguya nakupwa wakuwahilila kulinga echi.

²⁵⁸ Kachi Kalunga mwaya nakukumbulula malombo, kwivwa mukakuviza, kapuputa, na kuyanda, Ikiye mwaya vene nakwivwa kulomba cha mukashili. Kaweshi kuhasa kwizako na kupwa chihanda cha Mwenga ufuku uno? Ngwakusanyikile ove kwiza.

²⁵⁹ Ngwasakwilila, ndumbwami walunga. Ngwakumbwa uze muyachi wa kumika, uze mwaya nakutambuka na kwitavila ove kupwa wakuhenga. Kalunga akukisule, ndumbu walunga. Imana hano *vene*.

²⁶⁰ Ove unatwale nakungulweka yami, ove unahase kuzundula livoko lyove kaha kuhona kupwa wakushishika hali echi? Chuma muka chasolokele kuli vathu? Ndumbu walunga, ukalu ulihali? Ukalu uli halihi na vathu jetu mulikumbi lino? Ove unalumbununa nge nauya nakuzundula livoko lyove, nge ove unahenge, kaha jino kaweshi kwizako? Kaha tachikiza, “Wosena atachikiza kulinga mwaza, kaha keshi kulingamoko, kuli ikiye chinapu mulonga washili.” Kaweshi kuhasa kwizako?

Shimbu mukakwimba, kachi ove muya, ndumbu wapwevo, mukakalyalya, myaso yayindende.

²⁶¹ Nguli nakumisanyika. Ngwatondo kumihula. Vangahi muli lino likungumbuwa vanapunga mukuliwana omwo... Munatachikiza Kangweshi mukakunangula ko. Kangweshi na shikolako.

²⁶² Kalunga akukisule, pwevo wakalemesa wamundende. Echi chinatondeka kanyike wapwevo wamwaza kulinga chize. Echi chitwamo chachindende kwiza kuno, akukisule ove, wami wapwevo. Echi chinapu kumika chivene. Nguna—Ngunakumbu chize pwevo wakalemesa wamundende. Kalunga akukisule, uchi wami. Ngukwechi kanyike wapwevo wamundende hemo, pamo sdeteko yoyimwe, wamundende Laveka. Ngwasakwilila.

Kanyike wapwevo wamundende ka Indian? Kalunga akukisule, uchi wami, ou mwangana wamundende. Kalunga apwenga na ove, muchima wami. Ove, ndumbu wapwevo wamundende, Kalunga apwenga na ove. Kaha na ove, ndumbu wapwevo.

²⁶³ Jino, tala hano. Kachi vanyike vamaapwevo vakalemesa nge ngachize, vanyike vamaapwevo vavandende, vamwaza mu chivezu; na kunangula mujimbu uze weji kuvateula muvihanda vihanda, kaha hano vakiko kwiza hano, kutachikiza nge vakiko vali vakuhenga, kwimana hano shimbu kanda likungumbuwa kwitavila. Punduvene, punduvene enu mapwevo vakukola, kamweshi kuhasa kwizako? Tambuka nakwiza hano, kaha imana hano.

Kutala Ngutonde meso Ove;
Hindula, shipilitu yami yakulemeke.

Echa twimbenu.

Ngulwile yami ha likoiji Lyove.

Mulwilo, Mulwilo,
Ivwulila . . .

²⁶⁴ Punduvene ove unapu wakushishika kupwa wakitamo kulomba lilombo lya kulikehesa, “Sanyika, Mwata, ngweseka yami, kaha ngumone nge kuli chuma chimwe chakuhenga na yami.”

Kanda unguhita yami ko.

Kalunga akukisule, ndumbu wapwevo wamwaza.

²⁶⁵ Vangahi muli chino kuliwana vanemana na kumona, mu likungumbuwa, mapwevo, malunga, na vosena, kwiza omwo Ngwapwile ngunemana nakulombelela vakakuviza, kaha Shipilitu Wajila kuvalweka vakiko vyuma, vya jishili na vyuma, kaha kutachikiza? Vangahi muli enu vanatachikiza ou kupwa muchano? Kanda kaholokako. Ou Shipilitu Wajila ali nakungulweka, nge Shipilitu Wajila youmwe, nge kuli chumachimwe hano ufukuuno kumunyengetela Ikiye. Jino, echi chinapu MUKIKO MWANAMBE MWATA. Jino, liwane na echi hano, mokomoko Kuze.

²⁶⁶ Kangweshi nge ngumuthu kaha vanahane kukwivwa chamujimbako. Nduma, mwane. Ngunatachikiza vene oho Ngunemanyina, kaha Nguna—Ngunatachikiza Kalunga. Echi chakwoloka. Kuli enu vavavulu mwatondo kwimana hano kuze ava vakweze vamaapwevo vali. Jino, kaweshi kuhasa kwizako? Nguli nakumisanyika. Kangweshi kumikunyunyukisako. Nguli kaha nakumilweka.

²⁶⁷ Muthumwe ambile ngwenyi, “Kangwevwile kusanyika chakukamengako kuze mukakuzata atanukilile likungumbuwa, muvyuma kana nge ngachize.”

268 Omu mukiko chatela kulingika. Ove kaweshi kwiza na muchima wakuhokoka wakulikonekela, vamama vamwe kufwa mokomoko chumachimwe. Chize, chinapu mwishi ya kwivwa chamujimba. Ha Lizu Iya Kalunga hakiko ove mwijila. Ove kanda kwiza mwomwo yakwivwa cha mujimbako. Ove twaya nakufwelela nge Kalunga apwa Kalunga, kaha ove uli muzuvo ya kusopesa ya Mwata. Kaha ove uneza, kulambilila mulonga wove.

269 Kalunga akukisule, ndumbwami walunga, ndumbwami wapwevo. Ngwatondo kulimeneka livoko lyove, hanjika Ngwasakwilila kukunyuka chove. Pwevo wakalemesa wamundende, Ngwasakwilila. Kalunga akukisule. Echa Ikiye akuhane ove Shipilitu yayinene. Vakukisule, ndumbwami walunga. Kalunga apwenga na ove.

270 Cheka nawa, kahajino etu natuya nakusoka. Echi chinahase kusoka lwola lwamakumishilo, nawa. Talenu? Ngunahono kutachikiza omwo. Ngwafwelela echi kacheshi ngochoko. Oloze chinahase. Talenu?

Mulwilo . . .

271 Twaya kuno, ndumbwami wapwevo. Ngwatondo kulimeneka livoko lyove, ngwasakwilila. Ngwasakwilila luze lufwelelo. Luze lukiko lufwelelo lwamwenemwene.

272 Twaya kuno, ndumbwami walunga. Ngwatondo kulimeneka mumavoko na ove, hano vene. Ngwasakwilila kushishika. Kalunga akukisule.

273 Twaya kuno. Kalunga akukisule. Ngwasakwilila kushishika chove, kulingisa kwimana . . .

. . .hita kuli yami.

Mulwilo . . .

274 Ika? “Uze mwana Mukoko neza, kaha Mwenga Wenyi naliwahisa Lyavene kupwa wakulizanga.”

. . .kulila chakulikehesa;

Shimbu kutwalilaho . . .

Kanda unguhita yami ko. (Chumamuka?)

Nguli nakufwelela kaha mukuwaha Chove,

Kutala Ngutonde meso Ove;

Hindula, shipilitu yami yakulemeka, (Muze

Lizu lyavatulanga.)

Ngulwile yami ha likoji Lyove.

Mulwilo, Mulwilo,

Ivwulile kulikehesa chami . . .

Shimbu veka vali nakusanyika Ove,

Mamalelo, kanda kunguhitako.

275 Anuka, ou Shipilitu Wajila apwile na kuvatula muchima wove, na kwiza hano. Shinganyeka hali evi vihela Ikiye kuvatula,

kaha uze muthu kuya na kuyoya nge ngana. Vakiko navaya lwola lwosena kwanuka chize. “Kachi michima yetu kayeshi kutupaisako.” Oloze omwo enu namwiza na chumachimwe mu Lizu Iya Kalunga, kaha enu kuhita echi, chize kacheshi Mbuto ya Apalahama ko. Apalahama alaminenga lushiko lwa Kalunga mumuchima wenyi, chipwethuhu chumamuka chejile mokomoko kuya.

²⁷⁶ Ngwasakwilila vosena kwimana kukamenga. Kulomba chami hali ove, nge Kalunga mwaya nakukuhana kufwila cha muchima wove ufuku uno, na kukulingisa ove kupwa mukakujila wakulyalanga.

²⁷⁷ Vamwe ava masepa vachikweze, hano hakiko hali ma Indians, Spanish, Mexican, vosena kwimana nakujinguluka, vathu vaze valivuluka kupwa Vakakulishitu, pamo, mummyaka yayivulu, oloze talenu nge echi chakuhenga. Vakiko vanatondo kupwa chakwoloka. “Vakukisula vaze vali nakwivwa zala na pwila ya kwoloka, mwomwo vakiko navakavekuchisa.” Wakupaishiwa, wakulizanga kulingisa echi kupwa chakwoloka na Kalunga, kuhichila mulutengo lwa kusopesa cha Kalunga.

²⁷⁸ Chatela kuliwana kumwe, masepa. Ove watela kuliwana kumwe, shikaho kuliwana hano. Kanda kuvandamina palanga na chimene. Ove unahase kujiha ufukuuno, mu ponde ya ponde, kuya kwimbo.

²⁷⁹ Kalinwaha vene mukuliwana, Ngwasanyikile kusanyika chakukamenga, kaha—kaha Ngwasanyikile, nge muze chapwile mu Ohio. Kaha uze ufuku, Ngwasele zuvo, kaha ngunapunga mu minyutu fifiteni. Ngwevwile mthuumwe kutambakana, kusali ya jila. Ngwemanyine, kuya kuze. Kaha motoka yapwile na ponde, kuhita hali yikwavo. Kaha pwevo uze atwama haze, shikaho wakulizakamaina, ikiye afumishile kazeya kenyi, ikiye apwile wakulizakamina. Ikiye vamujihile. Kaha ikiye apwile nakuhanjika kuli mwanenyi wapwevo, mujila yakuya, ize yapwile nakwendesa. Vakiko vapwile nenyi kuze, vakulizanga kutwala kuchipatela. Kaha vosena vavali vatela kwiza kukamenga. Kaha uze mwana wapwevo ambile ngwenyi, “Mama, lizu Iya makumishilo ikiye ahanjikile kuli yami shimbu kanda minyawu, ‘Ngwalingi chakuhenga ufuku uno. Ngunatachikiza Ngwalingi.’” Kaha haze chiyoyelo chenyi vachisanyikile.

Mamalelo, ove ngwove, “Chize kacheshi kuhasa kusolokako kuli yamiko.” Echi chinahase. Echi chinahase.

²⁸⁰ Kaha nachipwa ngachilihi nge Shipilitu Wajila kakupaisa ove chekako na kumilweka nge ove unahenge? Kahajino enu namuya nakutambuka mu Hayamyaka nge ngachize. Kaha munatachikiza, na muyachi wa shipilitu, enu kamweshi kuhasa kulinga echiko. Mwane, tala kunyima kuhita muchiyoyelo chove, talenu omwo ove wayoyela. Kaha tala kunyima kuze

kaha talenu kachi kacheshi chiyemako, chiyoyelo chakulikehesa na Kulishitu, kupwa hamwe na Lizu Lyenyi lyosena. Kachi echi kacheshi, kahajino kwiza nakupwa chakwoloka. Kuli... Mwomwoika—mwomwoika kumbata kushishisa, omwo utangatanga unazale na kukisula cha pendekosita chize nachiya nakutomesa muchima wove, kutomesa mwono wove? Echi keshi chakwolokako?

²⁸¹ Vangahi vakakuzata vali muno ufuku uno? Ngwatondo enu vamwe vandumbwami kutambuka hano nayetu. Echi chosena chakwoloka, ndumbu walunga? Yaah. Twaya kuno, nauya, mumunyutu kaha, vandumbwami? Echi chakwoloka.

²⁸² Yesu ambile ngwenyi, mu Lizu Lyenyi, “Wosena mwevwa Lizu Lyami, na kufwelela hali Ikiye uze angutumine Yami, ali na Kuyoya cha Hayamyaka; keshi kukaya kukupaisa ko, oloze nahichi lyehi kufuma mukufwa nakwingila mu Kuyoya.” Mukakujila Yowano 6 ngwenyi, “Kaha Nanguya nakumusangula cheka halikumbi lya makumishilo,” kusanguka.

²⁸³ Vathu, etu, etu twatela kwimana chize. Etu twatela kuchilinga. Echi chatela kulingika. Shikaho... Echi kacheshi kwivwa cha mujimba. Kwivwa chimwe chili nakuya na echi, mukiko vene. Echi chakwoloka. Oloze chuma chivene chili, chili muchima wakujilikiwa.

²⁸⁴ Mbata kaha Lizu lya Kalunga, na kuhanjika, “Kalunga, Ngwalingile chakuhenga. Ngukonekele Ngwalingile chize. Munatachikiza muchima wami. Ngwalingile chakuhenga. Hano vene ha mavu, Ngunetavila kuhenga chami. Kaha kufuma ufuku uno, hano vene, Ngunakuhwa Ove. Nguli chihanda cha Mwenga. Kangweshi kuhasa kachilinga *echiko* cheka; kanda kwecha matoto ami kuliseunukile cheka. Nanguya—Nanguya nakulinga nge pwevo wakalemesa. Nanguya nakulinga nge mukweze wautongwe. Nanguya nakulinga vyuma vize Mbimbiliya yahanjika kulinga. Nanguya nakumbata Ove hano vene ha Lizu Lyove.” Kahajino ove uli nakuya nakupwa kumwe.

²⁸⁵ Ove wafwelela echi, vakakunangula va Mujimbu wamwaza? Ou unapu Muchano? Echi chakwoloka.

²⁸⁶ Jino, echa etu tunongame mitwe yetu mukulomba jino, enu vosena, mujila yove.

²⁸⁷ Anuka, hazevene kusali yove napu Kulishitu. Kulutwe lwove, hano hakamenga, Vakakulishitu kwimana nakulomba. Kunyima yove; vakakuzata vamu Mujimbu wamwaza kulomba. Jino, echi nachikuhaka muchiyoyelo chakulomba.

²⁸⁸ Jino, kwitavila chove, mumichima yenu, mujila yove: “Mwata, Nguli wakuhenga. Ngukonekelenu, Mwata, Ngwalingile vyuma kana. Nguli jino na kwitavila shili yami. Ngwafwelela hali Ove. Ngunetavila Ove jino. Ngwatondo kupwa chihanda cha Mwenga. Mu Lijina lya Yesu Ngwalombo.”

Jino, Lama kwitavila chove mumuchima wove jino. Jino Nguli nakuya nakumilombelela.

²⁸⁹ Tata wa Mwilu, omu chili nakungunyenetela lwola lumwe omwo Nangutala hali vathu vaze vanguzanga yami, kaha talenu omu Ove mumbata eli LIZu kaha Lihake haze. Lyeji kuvatula kaha namuusongosongo wa chifuwa, oloze jino Ove kwiza hazevene nakwinjikiza echi kupwa Muchano. Ou unapu Muchano.

²⁹⁰ Hano hanema malunga na mapwevo, namapwevo vakalemesa vavandende, vanyike vmapwevo kwimana hano na mitwe yakunongama, na masoji mumeso avo, haze vene ha kulusu ya kuyoya. Ngwashinganyeka kuli vakiko vanahase kukumina, kushikumuka kuze nakupichangila, na rock and roll, wakuhetuwa kulinliyavolo, lizavu lyakushindakanya kuli ndemoni. Hano vakiko vali, kwimana hano ufukuuno na michima yakunongama, kutonda chumachimwe chize vakiko vanahase kuhaka mavoko avo, nakuhanjika, “Mwata Kalunga, ngukose kufuma kuvyuma vya mukaye.”

²⁹¹ Hano hali vavupu jamalunga, vakweze jamalunga, tushinakaji vmapwevo, vakweze vmapwevo, vosena vanema hamwe. Vakiko vali nakwitavila nge vanapu vakuhenga. Ove wahanjikile kumichima wove; vakiko kaveshi kuhasa kupwako hano. Echi chinasoloka nge vakiko kaveshi kuhasa numba kukatuka kufuma muvitwamo vyavo, chakuzeneka kusakula kupwa lyehi. Eyi Shipilitu ya Kalunga yapwile hali vakiko, kaha—kaha ngwenyi, “Ove unahenge.”

Kaha chiyoyelo chavo chachindende chahanjikile, “Mwata, kahajino Ngwatondo Ove.”

Kaha liyavolo ngwenyi, “Twama kulu.”

²⁹² Oloze Shipilitu ya Kalunga ngwayo, “Katuka.” Kaha vakiko vatambukile mukwononoka, kaha kwimana hano hakamenga.

²⁹³ Jino, nge omu Ngunatange kuli Ove Lizu Lyove, “Wosena owo mweza kuli Yami, Kangweshi kukahangako. Chipwe jishili jove jili jichila, najikapwa jitoma nge mbundu; yichila ngengu, nge mangona amikoko. Twaya na kulanda Yami, vinyo na maji. Likoji lyami linatemo. Wosena mwevwa Lizu Lyami, na kufwelela hali Ikiye uze angutumine Yami, ali na Kuyoya cha hayamyaka; kaha keshi keza Mukusopesako, oloze nahichi lyehi mukufwa nakwingila mu Kuyoya. Kaha jino kumbata cha mwana Mukoko neza, kaha Mwenga alilingishile Lyavene kupwa wakulizanga.”

²⁹⁴ Tata, vakiko vanapu Vove. Vakiko vanapu vyuma vyavilemu vya Lizu Lyove. Vakiko vali hano vakukosa na meya aha Lizu, mwomwo yinapu kuzalilila cha Mujimbu wamwaza. Echi keshi kusezako kalachumako. Echi chili nakuvatula, kushikumuka muchihela chakutambwila. Echi chinapu kutukula kufuma kumiji, ize miji ya kusasa, ize—ize—ize miji ya kulihandununa,

ize miji ya kaye. Yitambule, Mwata, nangolo ja Shipilitu Wajila. Yimbile nakuyifumisa muli vathu.

²⁹⁵ Ngunavakale mwomwo ya Ove ufukuuno, Yesu, nge luheto Lwove ovelyavene, nge luvaji mumuchama Wove, nge mamembala ja Mwenga Wove. Ngunavakale viyoyelo vyavo. Ngwalombo na muchima wami wosena, na ava vakakuzata, ava vangamba ja Kalunga wakuyoya. Ngwalombo nge Ove uyenga nakufumisa muli vakiko, Mwata, vyuma vya kaye, kaha kuvahana vakiko kumika kwimana kumeso a Satana. Tuhanecho echi, Mwata. Etu twafwelela Ove muya nakuchilinga. Ove ngwove, “Lomba Tata kalachuma mu Lijina Lyami, Nanguya nakuchilinga.” Jino, Ove kanda lyehi nguhanjike, “Huu, pamo Nanguya nakuchilinga.” Ove ngwove, “Nanguya nakuchilinga.” Kaha Ngwafwelela nge ou unapu muchano.

²⁹⁶ Jino, echi vachisoneka mu Visoneka, “Mu Lijina Lyami navakatapula va ndemone.” Ali liyavolo nahase kumbata mukweze wapwevo wakalemesa mokomoko pwevo, kaha alyeke chiyoyelo chenyi. Napu liyavolo uze ali nakumbata muthu nakwenyeka chiyoyelo chenyi. Kaha Nanguhanjika ou mujimbu waundende, Mwata, mu kulomba chami. Kaha Ngwalombo nge Ove muya nakungwivwulila yami, kaha muya nakukumbulula kulomba chami, nge kalaumwe wavo kuya nakumukala ufukuuno kupwa luvaji mu Wangana. Vakiko vaneza. Kaha Ngwatela kukumbulula ha mazu ami ufukuuno. Kaha hano vakiko vaneza na kwimana hamwe na yami, na kumbata chihela chetu kusali ya Kulishitu.

²⁹⁷ Jino, Satana, ove unajimbalisa echi. Ove walamanga vamwe vavandende kunyima kuze, oloze kawafungulwileko eyi jita. Yesu ambile ngwenyi, “Wosena mweza kuli Yami, Kangweshi kukakumbilako.”

²⁹⁸ Satana, Ngunahanjika kuli ove, nge likumbi limwe kuli nakuya nakupwa wamundende kutetekela mikoko ja ise. Kaha ndumba ejile nakwingilamo na kumbatamo umwe wavo, kumumbata nakumufumisamo, nakumuyanjisa, kaha apwile nakuya nakumwenyeka. Oloze uze kafunga wamuchano wamundende, ikiye apwile na chuma chachineneko shina malekenyi, oloze ikiye apwile na lufwelelo muli Kalunga wakuyoya. Ikiye ayile hanyima ya ndumba, kaha ikiye amukwachile, kaha ikiye—ikiye amujihile. Ikiye amukatukilile ikiye, kaha amukwachile ikiye nakumukwata kuvevwu nakumujiha. Ikiye ambachiule uze mukoko nakumufumisa muknwa kenyi, amutwalile kuulilo nakumuka.

²⁹⁹ Ove unambate mukoko wamwaza wa Kalunga, vase mapwevo vakalemesa, kuvalingisa kupwa vakuteula jikambu javo nakuvwala mwakulifwatula, kaha kusoloka nge vyuma vize Mbimbiliya yapaisa, kaha ove washinganyekele nge ove wapwanga navyo. Oloze Nguneza na malekenyi amandende

akulomba. Nguli nakuwaneha cheka ufukuuno. Ove kaweshi kuhasa cheka kukwachilila chekako. Ove unajimbalisa jita. Ava malunga vamwaza kwimana hano, vana vamikoko va Kalunga, valumune. Etu twakutenukila ove, mu Lijina lya Mwata Yesu Kulishitu. Ngunavahake mukachi ka eyi taona matoto, na uselesele na kalachumachosena pamo, Ngunahake Manyinga a Yesu Kulishitu, ha lufwelelo, mukachi kavo na chize chuma cheka. Enu kamweshi kukwata chekako. Vakiko vali muulilo wa Tata. Vakiko vanapu vana Venyi. Lilamenu kufuma kuli vakiko. Mu Lijina lya Yesu Kulishitu, Ngunakutenukila ove.

³⁰⁰ Kakweshi liyavolo muhetese vanahase kukwata ove, kachi ove muya nakufwelela chize. Ove vanakufwiki na Manyinga. Enu vanamijingilika mukulomba, vakakuzata vamu Mujimbu wamwaza, na miluwa va lushiko, kulomba. Enu vosena munemana hano, twayenu hano, kutachikiza nge ove ukwechi tato, milonga na vyuma vize ove uli nasonyi yacho. LKachi ove jino vihake hakamenga kaunengu ka Kalunga ka kusopela, kaha kuya nakwitavila echi jino nge kulikonekela, nge Kulishitu amihanecho, munahase kwitavila echi ha lufwelelo, kutula livoko lyove na kuhanjika, “Nguli jino nakwitavila echi. Echi chinayi. Kaha kufuma likumbi lyalelo nakutwalilaho, Kangweshi kukalinga chekako”? Ove vanakulwili na Manyinga a Yesu Kulishitu. Amena. Amena. Kwalisa chipwenga kuli Kalunga.

Kuliko umwe weka nahase kwiza, nakulinunga na eli lizavu?

³⁰¹ Kuliko mukakuviza muno muzuvo, mwatonda kwimana nakumulombelela hano vene lwola luno? Imana.

³⁰² Ngwatondo enu vosena hano, kachi ove kaweshi na—kachi ove kaweshi membala wa liuka lyamwaza lya Mujimbu wamwaza, yako kuli umwe, ou umwe kachi ove unahase, kachi ove nauyoya hakamwihi hano. Mbata na kafunga na kupwa wakujimika. Kaha jino kachi ove kawatambwile Shipilitu Wajila, kulomba Kalunga amihane ove Shipilitu Wajila na kumizalisa, kumilingisa kupwa membala wa Mwenga.

³⁰³ Tala kusali kuze, vandumbwami, kuli vathu vakakuviza. Ou liyavolo keshi kuhasa kukwata vaze vathu. Luno lunapu lwola lwakukasunuka. Haleluya! Kawafwelela echiko?

Echa etu jino tunongame mitwe yetu tulombe.


³⁰⁴ Kaha enu vamwe vosena muli kuze, vakwechi misongo, enu munema kuze, haka mavoko enu hali umwe namukwavo. Yesu Kulishitu ngwenyi, “Evi vinjikizo navikavakavangizanga vaze vakakufwelela. Kachi nge navakanangika mavoko avo hali vakakuviza, navakayoya.” Kwata mavoko enu hali umwe namukwavo. Jino, kanda ove ulombelele ove lyaveneko. Ove lombelako unalihate nenyi haka livoko hali ikiye, mwomwo vakiko kukulombela ove.

Echa tulombe hamwe jino nge Liuka lya Vakakulishitu.

³⁰⁵ Mwata Yesu, etu tuli vakusakwilila ha kuhasa ufukuuno, myono kwiza kuli Ove. Jino, liyavolo nahakeko vamwe mikoko Jove, na misongo. Etu twejile nakuvasanyika vakiko kukinduluka. Kaha nge Liuka lya Kalunga wakuyoya, etu kutenukila liyavolo, na kuhanjika, “Kasununa ava vathu vakuviza, Satana. Etu twakutenukila ove mu Lijina lya Yesu Kulishitu, mangana vakiko vapwenga vakuhinduka.” Eyi Mbimbiliya ngwayo, “Evi vinjikizo navikavakavangizanga vaze vakakufwelela. Kachi nge navakanangika mavoko avo hali vakakuviza, navakayoya.” Luze lunapu lushiko lwa Kalunga, kaha etu tunatachikiza nge ou unapu muchano. Vakiko vahindikile ha mikiki ya Mwata Yesu Kulishitu.

³⁰⁶ Jino, kachi enu mwafwelela echi, katulenu mavoko enu na kumuhana Ikiye kwalisa. Amena.

³⁰⁷ Chosena chakwoloka, kafunga, echi chinapu chove. Kalunga akukisule, ndumbu walunga. Shikaho chamwaza kupwa na ove ufukuuno. Kalunga apwenga na ove.

Kalunga akukisule, vandumbwami hano. 

62-0121E Kumbachisa Cha Mwana Mukoko
Fellowship Tabernacle
Phoenix, Arizona U.S.A.

LUVALE

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonkelenu ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org